



C40
4514
44



GO

201

12

3456789

210

12

3456789

經

「

卷一
金光明經目錄

丁二

八

C40-4514

卷一

金光明經目錄

卷一

序文

序品第一

壽量品第二

懺悔品第三

讚歎品第四

空品第五

天王品第六



B 64853

四天王品第六

大辯天品第七

功德天品第八

堅牢地神品第九

卷三

散脂鬼神品第十

正論品第十一

善集品第十二

鬼神品第十三

授記品第十四

除病品第十五

卷四

流水長者子品第十六

捨身品第十七

讚佛品第十八

金光明經序

五日

真定府十方洪齊禪院主寺傳法慈覺大師宗頤述

夫靈心絕待泯萬物而獨存妙行難思隨諸緣而普
現則實際理地雖不受於一毫而事相門中不捨於
一法故如來出世說金光明經依清淨心建解脫行
顯出塵之經卷永廓迷情示伏藏之寶王頓圓大用
夫以信相爲起教之人則菩薩無滯空之行於堅牢
有贊空之領則法身非有相之求性相該通有無互
建則一經之要義在於斯至於明諸佛法性之源探
如來壽量之本金光普照發揚一切智門金鼓騰聲

顯示無邊妙用則菩薩發行之源也。懾除罪障本如夢之法門讚歎如來舉修行之妙果。摩訶薩埵之飼虎能捨能行長者流水之濟魚有始有卒則菩薩依真之行也。譬之明月當天影沈衆水真金作器體應萬形主伴圓融一多自在能於一法受一切法則信如來之秘藏實爲三界之寶乘莊嚴性海之門趣向覺王之本是以十千天子聞而頓證於菩提一切衆生入者皆同於甘露則見聞隨喜讀誦受持於一念具了無上法門者豈小緣哉。凡我同儕勉思佛意元豐四年三月十五日序。

金光明經卷第一

北涼三藏法師曇無讖譯

序品第一

如是我聞一時佛住王舍大城耆闍崛山是時如來遊於無量甚深法性諸佛行處過諸菩薩所行清淨是金光明 諸經之王 若有聞者 則能思惟 無上微妙 如是經典 常爲四方 四佛世尊之所護持 東方阿閦 南方寶相 西無量壽 北微妙聲 我今當說

懺悔等法 所生功德 爲無有上
能壞諸苦 畫不善業 一切種智
而爲根本 無量功德 之所莊嚴
滅除諸苦 與無量樂 諸根不具
壽命損減 貧窮困苦 諸天捨離
親厚鬭訟 王法所加 各各忿諍
財物損耗 愁憂恐怖 惡星災異
衆邪蠱道 變怪相續 臥見惡夢
畫則愁惱 當淨洗浴 聽是經典
至心清淨 著淨潔衣 專聽諸佛
甚深行處 是經威德 能悉消除
如是諸惡 令其寂滅 護世四王
將諸官屬 幷及無量 夜叉之衆
悉來擁護 持是經者 大辯天神
尼連河神 鬼子母神 地神堅牢
大梵尊天 三十三天 大神龍王
緊那羅王 迦樓羅王 阿修羅王
與其眷屬 悉共至彼 擁護是人
晝夜不離 我今所說 諸佛世尊
甚深秘密 微妙行處 億百千劫

經
卷之二十一
五
一
甚難得值 若得聞經 若爲他說
若心隨喜 若設供養 如是之人
於無量劫 常爲諸天 八部所敬
如是修行 生功德者 得不思議
無量福聚 亦爲十方 諸佛世尊
深行菩薩 之所護持 著淨衣服
以上妙香 慈心供養 常不遠離
身意清淨 無諸垢穢 歡喜悅豫
深樂是典 若得聽聞 當知善得
人身人道 及以正命 若聞懺悔

執持在心

是上善根

諸佛所讚

壽量品第二

爾時王舍城中有菩薩摩訶薩名曰信相已曾供養
過去無量億那由他百千諸佛種諸善根是信相菩
薩作是思惟何因何緣釋迦如來壽命短促方八十
年復更念言如佛所說有二因緣壽命得長何等爲
二二者不殺二者施食而我世尊於無量百千億那
由他阿僧祇劫修不殺戒具足十善飲食惠施不可
限量乃至已身骨髓肉血充足飽滿飢餓衆生況餘
飲食大士如是至心念佛思是義時其室自然廣博

嚴事天紺琉璃種種衆寶雜廁間錯以成其地猶如
如來所居淨土有妙香氣過諸天香煙雲垂布徧滿
其室其室四面各有四寶上妙高座自然而出純以
天衣而爲敷具是妙座上各有諸佛所受用華衆寶
合成於蓮華上有四如來東方名阿閦南方名寶相
西方名無量壽北方名微妙聲是四如來自然而坐
師子座上放大光明照王舍城及此三千大千世界
乃至十方恒河沙等諸佛世界雨諸天華作天伎樂
爾時三千大千世界所有衆生以佛神力受天快樂
諸根不具卽得具足舉要言之一切世間所有利益
未曾有事悉具出現爾時信相菩薩見是諸佛及希
有事歡喜踊躍恭敬合掌向諸世尊至心念佛作是
思惟釋迦如來無量功德唯壽命中心生疑惑云何
如來壽命如是方八十年爾時四佛以正徧知告信
相菩薩善男子汝今不應思量如來壽命短促何以
故善男子我等不見諸天世人魔衆梵衆沙門婆羅
門人及非人有能思筭如來壽量知其齊限唯除如
來時四如來將欲宣暢釋迦文佛所得壽命欲色界
天諸龍鬼神乾闥婆阿修羅迦樓羅緊那羅摩睺羅
伽及無量百千億那由他菩薩摩訶薩以佛神力悉

1 2 3 4 5 6 7 8 9 210 1 2 3 4 5 6 7 8 9

來聚集信相菩薩摩訶薩室爾時四佛於大衆中畧以偈喻說釋迦如來所得壽量而作頌曰

一切諸水

可知幾滴

無有能數

釋尊壽命

諸須彌山

可知斤兩

無有能量

釋尊壽命

一切大地

可知塵數

無有能算

釋尊壽命

虛空分界

尚可盡邊

無有能計

釋尊壽命

不可計劫

億百千萬

佛壽如是

無量無邊

以是因緣

故說二緣

不害物命

施食無量

是故大士

壽不可計

無量無邊

亦無齊限

是故汝今

不應於佛

無量壽命

而生疑惑

爾時信相菩薩摩訶薩聞是四佛宣說如來壽命無量深心信解歡喜踊躍說是如來壽量品時無量無邊阿僧祇衆生發阿耨多羅三藐三菩提心時四如來忽然不現

懺悔品第三

爾時信相菩薩卽於其夜夢見金鼓其狀殊大其明普照喻如日光復於光中得見十方無量無邊諸佛

1 2 3 4 5 6 7 8 9 20 1 2 3 4 5 6 7 8 9 20

世尊衆寶樹下坐瑠璃座與無量百千眷屬圍繞而爲說法見有一人似婆羅門以枹擊鼓出大音聲其聲演說懺悔偈頌時信相菩薩從夢寤已至心憶念夢中所聞懺悔偈頌過夜至旦出王舍城爾時亦有無量無邊百千衆生與菩薩俱往耆闍崛山至於佛所至佛所已頂禮佛足右繞三匝却坐一面敬心合掌瞻仰尊顏目不暫捨以其夢中所見金鼓及懺悔偈向如來說

昨夜所夢 至心憶持 夢見金鼓
妙色晃耀 其光大盛 明踰於日

徧照十方 恒沙世界 又因此光
得見諸佛 衆寶樹下 坐瑠璃座
無量大衆 圍繞說法 見婆羅門
擊是金鼓 其鼓音中 說如是偈
是大金鼓 所出妙音 悉能滅除
三世諸苦 地獄餓鬼 畜生等苦
貧窮困厄 及諸有苦 是鼓所出
微妙之音 能除衆生 諸惱所逼
斷衆怖畏 令得無懼 猶如諸佛
得無所畏 諸佛聖人 所成功德

離於生死 到大智岸 如是衆生
所得功德 定及助道 猶如大海
是鼓所出 如是妙音 令衆生得
梵音深遠 證佛無上 菩提勝果
轉無上輪 微妙清淨 住壽無量
不思議劫 演說正法 利益衆生
能害煩惱 消除諸苦 貪瞋癡等
悉令寂滅 若有衆生 處在地獄
大火熾然 燒炙其身 若聞金鼓
微妙音聲 所出言教 卽尋禮佛
亦令衆生 得知宿命 百生千生
千萬億生 令心正念 諸佛世尊
亦聞無上 微妙之言 是金鼓中
所出妙音 復令衆生 值遇諸佛
遠離一切 諸惡業等 善修無量
白淨之業 諸天世人 及餘衆生
隨其所思 諸所願求 如是金鼓
所出之音 皆悉能令 成就具足
若有衆生 嘛大地獄 猛火炎熾
焚燒其身 無有救護 流轉諸難

當令是等悉滅諸苦若有衆生
諸苦所切三惡道報及以人中
如是金鼓所出之音悉能滅除
一切諸苦無依無歸無有救護
我爲是等作歸依處是諸世尊
今當證知久已於我生大悲心
在在處處十方諸佛現在世雄
兩足之尊我本所作惡不善業
今者懺悔諸十力前不識諸佛
及父母恩不解善法造作衆惡

自恃種姓及諸財寶盛年放逸
作諸惡行心念不善口作惡業
隨心所作不見其過凡夫愚行
無知闇覆親近惡友煩惱亂心
五欲因緣心生忿恚不知厭足
故作衆惡親近非聖因生慳嫉
貧窮因緣姦詭作惡繫屬於他
常有怖畏不得自在而造諸惡
貪欲恚癡擾動其心渴愛所逼
造作衆惡依因衣食及以女色

諸結惱熱 造作衆惡 身口意惡
所集三業 如是衆罪 今悉懺悔
或不恭敬 佛法聖衆 如是衆罪
今悉懺悔 或不恭敬 緣覺菩薩
如是衆罪 今悉懺悔 如是衆罪
誹謗正法 不知恭敬 以無智故
如是衆罪 今悉懺悔 父母尊長
驕慢放逸 因貪恚癡 愚惑所覆
如是衆罪 今悉懺悔 造作諸惡
無量無邊 三千大千 我今供養
我當拔濟 十方一切 無量衆生
所有諸苦 我當安止 不可思議
阿僧祇衆 令住十地 已得安止
住十地者 悉令具足 如來正覺
爲一衆生 億劫修行 使無量衆
令度苦海 我當爲是 諸衆生等
演說微妙 甚深悔法 所謂金光
滅除諸惡 千劫所作 極重惡業
若能至心 一懺悔者 如是衆罪
悉皆滅盡 我今已說 懺悔之法

是金光明	清淨微妙	速能滅除
一切業障	我當安止	住於十地
十種珍寶	以爲腳足	成佛無上
功德光明	令諸衆生	度三有海
諸佛所有	甚深法藏	不可思議
無量功德	一切種智	願悉具足
百千禪定	根力覺道	不可思議
諸陀羅尼	十力世尊	我當成就
諸佛世尊	有大慈悲	當證微誠
哀受我悔	若我百劫	所作衆惡
以是因緣	生大憂苦	貧窮困乏
愁熱驚懼	怖畏惡業	心常怯劣
在在處處	暫無歡樂	十方現在
大悲世尊	能除衆生	一切怖畏
悉得消除	我之所有	煩惱業垢
惟願現在	諸佛世尊	以大悲水
願當受我	誠心懺悔	令悉懺悔
悉得消除	我之所有	所未作者
惟願現在	過去諸惡	不敢覆藏
洗除令淨	誠心發露	所未作者
現所作罪	已作之業	不敢覆藏
更不敢作		

1 2 3 4 5 6 7 8 9 210 1 2 3 4 5 6 7 8 9 210

身業三種	口業有四	意三業行
今悉懺悔	身口所作	及以意思
十種惡業	一切懺悔	遠離十惡
修行十善	安止十住	逮十力尊
所造惡業	應受惡報	今於佛前
誠心懺悔	若此國土	及餘世界
所有善法	悉以廻向	我所修行
身口意善	願於來世	證無上道
若在諸有	六趣險難	愚癡無智
造作衆惡	今於佛前	皆悉懺悔
世間所有	生死險難	種種姪欲
愚煩惱難	如是諸難	我今懺悔
心輕躁難	近惡友難	三有險難
及三毒難	遇無難難	值好時難
修功德難	值佛亦難	如是諸難
今悉懺悔	諸佛世尊	我所依止
是故我今	敬禮佛海	金色晃耀
猶如須彌	是故我今	頂禮最勝
其色無上	如天真金	眼目清淨
如紺瑠璃	功德威神	名稱顯著

佛日大悲 滅一切闇 善淨無垢
離諸塵霧 無上佛日 大光普照
煩惱火熾 令心焦熱 唯佛能除
如月清涼 三十二相 八十種好
莊嚴其身 視之無厭 功德巍巍
明網顯耀 安住三界 如日照世
猶如瑠璃 淨無瑕穢 妙色廣大
種種各異 其色紅赤 如日初出
玻瓈白銀 校飾光網 如是種種
莊嚴佛日 三有之中 生死大海

潦水波蕩 憒亂我心 其味苦毒
最爲麤澀 如來網明 能令枯涸
妙身端嚴 相好殊特 金色光明
徧照一切 智慧大海 獄滿三界
是故我今 稽首敬禮 如大海水
其量難知 大地微塵 不可稱計
諸須彌山 難可度量 虛空邊際
亦不可得 諸佛亦爾 功德無量
一切有心 無能知者 於無量劫
極心思惟 不能得知 佛功德邊

大地諸山	尚可知量	毛滴海水
亦可知數	諸佛功德	無能知者
相好莊嚴	名稱讚歎	如是功德
令衆皆得	我以善業	諸因緣故
來世不久	成於佛道	講宣妙法
利益衆生	度脫一切	無量諸苦
摧伏諸魔	及其眷屬	轉於無上
充足衆生	甘露法味	不思議劫
六波羅蜜	猶如過佛	我當具足
斷諸煩惱	除一切苦	之所成就
及恚癡等	我當憶念	
百生千生	宿命之事	
正念諸佛	常當至心	
我因善業	無上之法	
修諸善業	遠離諸惡	
無量苦惱	若有衆生	
諸根毀壞	悉令具足	
十方世界	所有病苦	羸瘦頓乏
無救護者	悉令解脫	如是諸苦

還得勢力 平復如本 若犯王法
臨當刑戮 無量怖畏 愁憂苦惱
如是之人 悉令解脫 若受鞭撻
繫縛枷鎖 種種苦事 逼切其身
無量百千 愁憂驚畏 種種恐懼
擾亂其心 如是無邊 諸苦惱等
願使一切 悉得解脫 若有衆生
飢渴所惱 令得種種 甘美飲食
盲者得視 聾者得聽 瘋者得言
裸者得衣 貧窮之者 卽得寶藏
倉庫盈溢 無所乏少 一切皆受
安隱快樂 乃至無有 一人受苦
衆生相視 和顏悅色 形貌端嚴
人所喜見 心常思念 他人善事
飲食飽滿 功德具足 隨諸衆生
之所思念 皆願令得 種種伎樂
箜篌箏笛 琴瑟鼓吹 如是種種
微妙音聲 江河池沼 流泉諸水
金華偏布 及優鉢羅 隨諸衆生
之所思念 卽得種種 衣服飲食

錢財珍寶 金銀瑠璃 真珠璧玉
雜廁瓔珞 願諸衆生 不聞惡聲
乃至無有 可惡見者 願諸衆生
色貌微妙 各各相於 共相愛念
世間所有 資生之具 隨其所念
悉令具足 願諸衆生 諸所求索
如其所須 應念即得 香華諸樹
常於三時 雨細末香 及塗身香
衆生受者 歡喜快樂 願諸衆生
常得供養 不可思議 十方諸佛

無上妙法 清淨無垢 及諸菩薩
聲聞大眾 願諸衆生 常得遠離
三惡八難 值無難處 觀覩諸佛
無上之王 願諸衆生 常生尊貴
多饒財寶 安隱豐樂 上妙色像
莊嚴其身 功德成就 有大名稱
願諸女人 皆成男子 具足智慧
精勤不懈 一切皆行 菩薩之道
勤心修習 六波羅蜜 常見十方
無量諸佛 坐寶樹下 瑪瑙座上

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

安住禪定 自在快樂 演說正法
衆所樂聞 若我現在 及過去世
所作惡業 諸有險難 應得惡果
不適意者 願悉滅盡 令無有餘
若諸衆生 三有繫縛 生死羅網
彌密牢固 願以智刀 割斷破裂
除諸苦惱 早成菩提 若此間浮
及餘他方 無量世界 所有衆生
所作種種 善妙功德 我今深心
隨其歡喜 我今以此 隨喜功德
及身口意 所作善業 願於來世
成無上道 得淨無垢 吉祥果報
若有敬禮 讚歎十力 信心清淨
無諸疑網 能作如是 所說懺悔
便得超越 六十劫罪去言 諸善男子
及善女人 諸王刹利 婆羅門等
若有恭敬 合掌向佛 稱歎如來
并讚此偈 在在生處 常識宿命
諸根具足 清淨端嚴 種種功德
悉皆成就 在在處處 常爲國王

1 2 3 4 5 6 7 8 9 210 1 2 3 4 5 6 7 8 9 210

輔相大臣 之所恭敬 非於一佛
 五佛十佛 種諸功德 聞是懺悔
 若於無量 百千萬億 諸佛如來
 種諸善根 然後乃得 聞是懺悔

讚歎品第四

爾時佛告地神堅牢善女天過去有王名金龍尊常以讚歎讚歎去來現在諸佛

我今尊重 敬禮讚歎 去來現在
 十方諸佛 諸佛清淨 微妙寂滅
 色中上色 金光照耀 於諸聲中

佛聲最上	猶如大梵	深遠雷音
其髮紺黑	光螺燄起	蜂翠孔雀
色不得渝	其齒鮮白	猶如珂雪
顯發金顏	分齊分明	其目脩廣
清淨無垢	如青蓮華	暎水開敷
舌相廣長	形色紅輝	光明照耀
如華初生	眉間毫相	白如珂月
右旋潤澤	如淨瑠璃	眉細脩揚
形如月初	其色黑耀	過於蜂王
鼻高圓直	如鑄金鉦	微妙柔軟

當于面門 如來勝相 次第最上
得味真正 無與等者 一一毛孔
一毛旋生 輓細紺青 猶孔雀項
卽於生時 身放大光 普照十方
無量國土 滅盡三界 一切諸苦
令諸衆生 悉受快樂 地獄畜生
及以餓鬼 諸人天等 安隱無患
悉滅一切 無量惡趣 身色微妙
如融金聚 面貌清淨 如月盛滿
佛身明耀 如日初出 進止威儀

猶如師子 脩臂下垂 立過于膝
猶如風動 娑羅樹枝 圓光一尋
能照無量 猶如聚集 百千日月
佛身淨妙 無諸垢穢 其明普照
一切佛刹 佛光巍巍 明燄熾盛
悉能隱蔽 無量日月 佛日燈炬
照無量界 皆令衆生 瞿光見佛
本所修習 百千行業 聚集功德
莊嚴佛身 胳膊纖圓 如象王鼻
手足柔軟 敬愛無厭 去來諸佛

1 2 3 4 5 6 7 8 9 210 1 2 3 4 5 6 7 8 9 210

數如微塵 現在諸佛 亦復如是
如是如來 我今悉禮 身口清淨
意亦如是 以好香華 供養奉獻
百千功德 讀詠歌歎 設以百舌
於千劫中 歎佛功德 不能得盡
如來所有 現世功德 種種深固
微妙第一 設復千舌 欲讚一佛
尚不能盡 功德少分 況欲歎美
諸佛功德 大地及天 以爲大海
乃至有頂 滿其中水 尚以一毛

知其滴數 無有能知 佛一功德
我今以禮 讀歎諸佛 身口意業
悉皆清淨 一切所修 無量善業
與諸衆生 證無上道 如是人王
讚歎佛已 復作如是 無量誓願
若我來世 無量無邊 阿僧祇劫
在在生處 常於夢中 見妙金鼓
得聞懺悔 深奧之聲 今所讚歎
面貌清淨 願我來世 亦得如是
諸佛功德 不可思議 於百千劫

甚難得值 願於當來 無量之世
夜則夢見 畫如實說 我當具足
修行六度 濟拔衆生 越於苦海
然後我身 成無上道 令我世界
無與等者 奉貢金鼓 讚佛因緣
以此果報 當來之世 值釋迦佛
得受記荊 幷令二子 金龍金光
常生我家 同共受記 若有衆生
無救護者 衆苦逼切 無所依止
及依止處 能除衆苦 悉令滅盡
施與衆生 諸善安樂 我未來世
行菩提道 不計劫數 如盡本際
以此金光 煩惱大海 使我惡海
及以業海 煙滅成就 悉竭無餘
我功德海 願悉成就 智慧大海
清淨具足 無量功德 助菩提道
猶如大海 珍寶具足 以此金光
懺悔力故 苦提功德 光明無礙
慧光無垢 照徹清淨 我當來世

身光普照 功德威神 光明燄盛
於三界中 最勝殊特 諸功德力
無所減少 當度衆生 越於苦海
并復安置 功德大海 來世多劫
行菩提道 如昔諸佛 行菩提者
三世諸佛 淨妙國土 諸佛至尊
無量功德 令我來世 得此殊異
功德淨土 如佛世尊 信相當知
爾時國王 金龍尊者 則汝身是
爾時二子 金龍金光 今汝二子

銀相等是

空品第五

無量餘經 已廣說空 是故此中
畧而解說 衆生根鈍 慨於智慧
不能廣知 無量空義 故此尊經
畧而說之 異妙方便 種種因緣
爲鈍根故 起大悲心 我今演說
此妙經典 如我所解 知衆生意
是身虛偽 猶如空聚 六入村落
結賊所止 一切自住 各不相知

眼根受色	耳分別聲	鼻覩諸香
舌嗜於味	所有身根	貪受諸觸
意根分別	一切諸法	六情諸根
各各自緣	諸塵境界	不行他緣
心如幻化	馳騁六情	而常妄想
分別諸法	猶如世人	馳走空聚
六賊所害	愚不知避	心常依止
六根境界	各各自知	所伺之處
隨行色聲	香味觸法	心處六情
如鳥投網	其心在在	常處諸根
隨逐諸塵	無有暫捨	身空虛偽
不可長養	無有諍訟	亦無正主
從諸因緣	和合而有	無有堅實
妄想故起	業力機關	假偽空聚
地水火風	合集成立	隨時增減
共相殘害	猶如四蛇	同處一篋
四大蛇	其性各異	二上二下
諸方亦二	如是蛇大	悉滅無餘
地水二蛇	其性沈下	風火二蛇
性輕上升	心識二性	躁動不停

隨業受報 人天諸趣 隨所作業
而墮諸有 水火風種 散滅壞時
大小不淨 盈流於外 體生諸蟲
無可愛樂 捐棄冢間 如朽敗木
善女當觀 諸法如是 何處有人
及以衆生 本性空寂 無明故有
如是諸大 一一不實 本自不生
性無和合 以是因緣 我說諸大
從本不實 和合而有 無明體相
本自不有 妄想因緣 和合而有

無所有故 假名無明 是故我說
名曰無明 行識名色 六入觸受
愛取有生 老死愁惱 衆苦行業
不可思議 生死無際 輪轉不息
本無有生 亦無和合 不善思惟
心行所造 我斷一切 諸見纏等
以智慧刀 裂煩惱網 五陰舍宅
觀悉空寂 證無上道 微妙功德
開甘露門 示甘露器 入甘露城
處甘露室 令諸衆生 食甘露味

1 2 3 4 5 6 7 8 9 210 1 2 3 4 5 6 7 8 9 210

吹大法螺	擊大法鼓	然大法炬
雨勝法雨	我今摧伏	一切怨結
豎立第一	微妙法幢	度諸衆生
於生死海	永斷三惡	無量苦惱
煩惱熾然	燒諸衆生	無有救護
無所依止	我以甘露	清涼美味
充足是輩	令離焦熱	於無量劫
遵修諸行	供養恭敬	諸佛世尊
堅固修習	菩提之道	求於如來
真實法身	捨諸所重	財節手足
頭目髓腦	所愛妻子	錢財珍寶
真珠瓔珞	金銀瑠璃	種種異物

金光明經卷第一

音釋

耆闍崛	<small>梵語也此云靈鷲閣石遮切崛渠勿切</small>	阿閦	<small>梵語也此云無動閻初六切</small>
鬪	<small>都豆切爭也</small>	阿閻	<small>動閻初六切</small>
道	<small>公戶切惑也</small>	阿彌陀	<small>息委切</small>
蠱	<small>蟲公戶切惑也</small>	阿彌陀	<small>息委切</small>
道	<small>謂左道惑人也</small>	阿彌陀	<small>息委切</small>
焰	<small>昌志切</small>	阿彌陀	<small>息委切</small>
熾	<small>盛也</small>	阿彌陀	<small>息委切</small>
炙	<small>炮炙也</small>	阿彌陀	<small>息委切</small>
詣	<small>誹謗也</small>	阿彌陀	<small>息委切</small>
跋	<small>誹謗也</small>	阿彌陀	<small>息委切</small>
穢	<small>非議也</small>	阿彌陀	<small>息委切</small>
怯	<small>乞業也</small>	阿彌陀	<small>息委切</small>
懦	<small>畏懦也</small>	阿彌陀	<small>息委切</small>
躁	<small>躁則到也</small>	阿彌陀	<small>息委切</small>
憇	<small>憇也</small>	阿彌陀	<small>息委切</small>
靜	<small>靜也</small>	阿彌陀	<small>息委切</small>
翳	<small>羊朱切</small>	阿彌陀	<small>息委切</small>
暢	<small>通也</small>	阿彌陀	<small>息委切</small>
妹	<small>昌朱切</small>	阿彌陀	<small>息委切</small>
美	<small>也</small>	阿彌陀	<small>息委切</small>
枹	<small>杖也</small>	阿彌陀	<small>息委切</small>
鼓	<small>鼓杖也</small>	阿彌陀	<small>息委切</small>
晃	<small>晃也</small>	阿彌陀	<small>息委切</small>
胡廣	<small>切</small>	阿彌陀	<small>息委切</small>
光	<small>也</small>	阿彌陀	<small>息委切</small>
翳	<small>羊朱切</small>	阿彌陀	<small>息委切</small>
跋	<small>誹謗也</small>	阿彌陀	<small>息委切</small>
穢	<small>非議也</small>	阿彌陀	<small>息委切</small>
憇	<small>乞業也</small>	阿彌陀	<small>息委切</small>
懦	<small>畏懦也</small>	阿彌陀	<small>息委切</small>
躁	<small>躁則到也</small>	阿彌陀	<small>息委切</small>
憇	<small>憇也</small>	阿彌陀	<small>息委切</small>
靜	<small>靜也</small>	阿彌陀	<small>息委切</small>
翳	<small>胡加切</small>	阿彌陀	<small>息委切</small>
跋	<small>玷也</small>	阿彌陀	<small>息委切</small>
憇	<small>即到切</small>	阿彌陀	<small>息委切</small>
靜	<small>積水也</small>	阿彌陀	<small>息委切</small>
翳	<small>疥也</small>	阿彌陀	<small>息委切</small>
跋	<small>汙也</small>	阿彌陀	<small>息委切</small>
憇	<small>積水也</small>	阿彌陀	<small>息委切</small>

1 2 3 4 5 6 7 8 9 210 1 2 3 4 5 6 7 8 9 210

經

金言卷一

三

涸下各切 **羸**力追切 **戮**力竹切 **縛**待約切 **盲聾**盲
竭也 瘦也 穀也 纓也 莫

耕切 **聾** **瘡**烏下 **裸**赤體也 **箜篌**笙苦紅切 簿胡鉤

皷吹成音者皆謂之吹 **廁**初吏切 **渠**渠客切 **鑄**朱

鎔切 **瘞**侍鼎切 **膚**丑凶切 **纖**息廉切 **荊**必列切 託

鑄也 **金朴**也 **膚直**也 **纖細**也 **荊謂授當**朱

來成佛之記劫妙息淺切 **艱**許救切 **鼻**鑑氣也 **馳**馳直

國名號之崩少也 **騁丑郢切** **騁苦協切** **驅**離切

奔走也 箕箱屬

豎臣庚切

休寧居士曹頤靜 頤學 廣州 頤志 紹文共施刻此
金光明經悉願證入真空行同流水廣及含靈齊成佛道者
金陵釋如聞對上元李淵書深水陳應武刻
萬曆戊申歲秋八月經山寂照庵識

金光明經卷第二

北涼三藏法師曇無讖譯

四天王品第六

爾時毗沙門天王提頭賴吒天王毗留勒叉天王毗留博叉天王俱從座起偏袒右肩右膝著地胡跪合掌白佛言世尊是金光明微妙經典衆經之王諸佛世尊之所護念莊嚴菩薩深妙功德常爲諸天之所恭敬能令天王心生歡喜亦爲護世之所讚歎此經能照諸天宮殿是經能與衆生快樂是經能令地獄餓鬼畜生諸河焦乾枯竭是經能除一切怖畏是經

1 2 3 4 5 6 7 8 9 210 1 2 3 4 5 6 7 8 9 210

能却他方怨賊是經能除穀貴饑饉是經能愈一切
 疫病是經能滅惡星變異是經能去一切憂惱舉要
 言之是經能滅一切衆生無量無邊百千苦惱世尊
 是金光明微妙經典若在大衆廣宣說時我等四王
 及餘眷屬聞此甘露無上法味增益身力心進勇銳
 具諸威德世尊我等四王能說正法修行正法爲世
 法王以法治世世尊我等四王及諸天龍鬼神乾闥
 婆阿修羅迦樓羅緊那羅摩睺羅伽以法治世遮諸
 惡鬼噉精氣者世尊我等四王二十八部諸鬼神等
 及無量百千鬼神以淨天眼過於人眼常觀擁護此
 閻浮提世尊是故我等名護世王若此國土有諸衰
 耗怨賊侵境饑饉疾疫種種艱難若有比丘受持是
 經我等四王當共勸請令是比丘以我等力故疾往
 彼所國邑郡縣廣宣流布是金光明微妙經典令如
 是等種種百千衰耗之事悉皆滅盡世尊如諸國王
 所有土境是持經者若至其國是王應當往是人所
 聽受如是微妙經典聞已歡喜復當護念恭敬是人
 世尊我等四王復當勤心擁護是王及國人民爲除
 衰患令得安隱世尊若有比丘比丘尼優婆塞優婆
 夷受持是經若諸人王有能供給施其所安我等四

王亦當令是王及國人民一切安隱具足無患世尊
若有四衆受持讀誦是妙經典若諸人王有能供養
恭敬尊重讚歎我等四王亦復當令如是人王於諸
王中常得第一供養恭敬尊重讚歎亦令餘王欽尚
羨慕稱讚其善爾時世尊讚歎護世四天王等善哉
善哉汝等四王過去已曾供養恭敬尊重讚歎無量
百千萬億諸佛於諸佛所種諸善根說於正法修行
正法以法治世爲人天王汝等今日長夜利益於諸
衆生行大慈心施與衆生一切樂具能遮諸惡勤與
諸善以是義故若有人王能供養恭敬此金光明微
妙經典汝等正應如是護念滅其苦惱與其安樂汝
等四王及諸眷屬無量無邊百千鬼神若能護念如
是經者卽是護持去來現在諸佛正法汝等四王及
餘天衆百千鬼神與阿修羅共戰鬪時汝等諸天常
得勝利汝等若能護念此經悉能消伏一切諸苦所
謂怨賊饑饉疾疫若四部衆有能受持讀誦此經汝
等亦應勤心守護爲除衰惱施與安樂爾時四王復
白佛言世尊是金光明微妙經典於未來世在所流
布若國土城邑郡縣村落隨所至處若諸國王以天
律治世復能恭敬至心聽受是妙經典并復尊重供

養供給持是經典四部之衆以是因緣我等時時得聞如是微妙經典聞已卽得增益身力心進勇銳具諸威德是故我等及無量鬼神常當隱形隨其妙典所流布處而作擁護令無留難亦當護念聽是經典諸國王等及其人民除其患難悉令安隱他方怨賊亦使退散若有人王聽是經時鄰國怨敵興如是念當具四兵壞彼國土世尊以是經典威神力故爾時鄰敵更有異怨爲作留難於其境界起諸衰惱災異疫病爾時怨敵起如是等諸惡事已備具四兵發向是國親往討伐我等爾時當與眷屬無量無邊百千鬼神隱蔽其形爲作護助令彼怨敵自然退散起諸怖惱種種留難彼國兵衆尚不能到況復當能有所破壞爾時佛讚四天王等善哉善哉汝等四王乃能擁護我百千億那由他劫所可修習阿耨多羅三藐三菩提及諸人王受持是經恭敬供養者爲淨衰患令其安樂復能擁護宮殿舍宅城邑村落國土邊疆乃至怨賊悉令退散滅其衰惱令得安隱亦令一切閻浮提內所有諸王無諸凶衰鬪訟之事四王當知此閻浮提八萬四千城邑聚落八萬四千諸人王等各於其國娛樂快樂各各於國而得自在於自所有

錢財珍寶各各自足不相侵奪如其宿世所修集業
隨業受報不生惡心貪求他國各各自生利益之心
生於慈心安樂之心不諍訟心不破壞心無繫縛心
無楚捷心各於其土自生愛樂上下和穆猶如水乳
心相愛念增諸善根以是因緣故此間浮提安隱豐
樂人民熾盛大地沃壤陰陽調和時不越序日月星
宿不失常度風雨隨時無諸災橫人民豐實自足於
財心無貪吝亦無嫉妬等行十善其人壽終多生天
上天宮充滿增益天衆若未來世有諸人王聽是經
典及供養恭敬受持是經四部之衆是王則爲安樂
利益汝等四王及餘眷屬無量百千諸鬼神等何以
故汝等四王若得時時聞是經典則爲已得正法之
水服甘露味增益身力心進勇銳具諸威德是諸人
王若能至心聽受是經則爲已能供養於我若供養
我則是供養過去未來現在諸佛若能供養過去未
來現在諸佛則得無量不可思議功德之聚以是因
緣是諸人王應得擁護及后妃媛女中宮眷屬諸王
子等亦應得護哀惱消滅快樂熾盛宮殿宇安隱
清淨無諸災變護宅之神增長威德亦受無量歡悅
快樂是諸國土所有人民悉受種種五欲之樂一切

9123456789210123456789210123456789210

惡事悉皆消滅爾時四天王白佛言世尊未來之世
若有人王欲得護身及后妃子女諸王子等宮殿屋
宅得第一護身所王領最爲殊勝具不可思議王者
功德欲得攝取無量福聚國土無有他方怨賊無諸
憂惱及諸苦事世尊如是人王不應放逸散亂其心
應生恭敬謙下之心應當莊嚴第一微妙最勝宮宅
種種香汁持用灑地散種種華敷大法座師子之座
兼以無量珍琦異物而爲校飾張施種種無數微妙
幢旛寶蓋當淨洗浴以香塗身著好淨衣瓔珞自嚴
坐小卑座不自高大除去自在離諸放逸謙下自甲
除去驕慢正念聽受如是妙典於說法者生世尊想
復於宮內后妃王子子女眷屬生慈哀心和顏與語
勸以種種供養之具供養法師是王爾時既勸化已
卽生無量歡喜快樂心懷悅豫倍復自勵不生疲倦
多作利益於說法者倍生恭敬爾時佛告四天大王
爾時人王應著白淨鮮潔之衣種種瓔珞齊整莊嚴
執持素帛微妙上蓋服飾容儀不失常則躬出奉迎
說法之人何以故是王如是隨其舉足步步之中卽
是供養值遇百千億那由他諸佛世尊復得超越如
是等劫生死之難復於來世爾所劫中常得封受轉

9123456789210123456789210123456789210

輪王位隨其步步亦得如是現世功德不可思議自在之力常得最勝極妙七寶人天宮殿在在生處增益壽命言語辯了人所信用無所畏忌有大名稱常爲人天之所恭敬天上人中受上妙樂得大勢力具足威德身色微妙端嚴第一常值諸佛遇善知識成就具足無量福聚汝等四王如是人王見如是等種種無量功德利益是故此王應當躬出奉迎法師若一由旬至百千由旬於說法師應生佛想應作是念今日釋迦如來正智入於我宮受我供養爲我說法我聞是法卽不退轉於阿耨多羅三藐三菩提已爲得值百千萬億那由他佛已爲供養過去未來現在諸佛已得畢竟離三惡道苦我今已種百千無量轉輪聖王釋梵之因已種無邊善根種子已令無量百千萬億諸衆生等度於生死已集無量無邊福聚後宮眷屬已得擁護宮宅諸衰悉已消滅國土無有怨賊棘刺他方怨敵不能侵陵汝等四王如是人王應作如是供養正法清淨聽受是妙經典及恭敬供養尊重讚歎持是經典四部之衆亦當廻此所得最勝功德之分施與汝等及餘眷屬諸天鬼神聚集如是諸善功德現世常得無量無邊不可思議自在之利

20

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

威德勢力成就具足能以正法摧伏諸惡爾時四王白佛言世尊若未來世有諸人王作如是等恭敬正法至心聽受是妙經典及恭敬供養尊重讚歎持是經典四部之衆嚴治舍宅香汁灑地專心正念聽說法時我等四王亦當在中共聽此法願諸人王爲自利故以已所得功德少分施與我等世尊是諸人王於說法者所坐之處爲我等故燒種種香供養是經是妙香氣於一念頃卽至我等諸天宮殿其香卽時變成香蓋其香微妙金色晃耀照我等宮釋宮梵宮大辯天神功德天神堅牢地神散脂鬼神最大將軍二十八部鬼神大將摩醯首羅金剛密迹摩尼跋陀鬼神大將鬼子母與五百鬼子周匝圍繞阿耨達龍王娑竭羅龍王如是等衆自於宮殿各各得聞是妙香氣及見香蓋光明普照是香蓋光明亦照一切諸天宮殿佛告四王是香蓋光明非但至汝四王宮殿何以故是諸人王手擎香爐供養經時其香徧布於一念頃徧至三千大千世界百億日月百億大海百億須彌山百億大鐵圍山小鐵圍山及諸山王百億四天下百億四天王百億三十三天乃至百億非想非非想天於此三千大千世界百億三十三天一切

1 2 3 4 5 6 7 8 9 210 1 2 3 4 5 6 7 8 9 210

龍鬼乾闥婆阿修羅迦樓羅緊那羅摩睺羅伽宮殿虛空悉滿種種香煙雲蓋其蓋金光亦照宮殿如是三千大千世界所有種種香煙雲蓋皆是此經威神力故是諸人王手擎香爐供養經時種種香氣不但徧此三千大千世界於一念頃亦徧十方無量無邊恒河沙等百千萬億諸佛世界於諸佛上虛空之中亦成香蓋金光普照亦復如是諸佛世尊聞是香氣見是香蓋及金色光於十方界恒河沙等諸佛世界作如是等神力變化已異口同音於說法者稱讚善哉善哉大士汝能廣宣流布如是甚深微妙經典則爲成就無量無邊不可思議功德之聚若有聞是甚深經典所得功德則爲不少況持讀誦爲他衆生開示分別演說其義何以故善男子此光明微妙經典無量無邊億那由他諸菩薩等若得聞者卽不退於阿耨多羅三藐三菩提爾時十方無量無邊恒河沙等諸佛世界現在諸佛異口同聲作如是言善男子汝於來世必定當得坐於道場菩提樹下於三界中最尊最勝出過一切衆生之上勤修力故受諸苦行善能莊嚴菩提道場能壞三千大千世界外道邪論摧伏諸魔怨賊異形覺了諸法第一寂滅清淨無

1 2 3 4 5 6 7 8 9 210 1 2 3 4 5 6 7 8 9 210

垢甚深無上菩提之道善男子汝已能坐金剛座處
轉於無上諸佛所讚十二種行甚深法輪能擊無上
最大法鼓能吹無上極妙法螺能豎無上最勝法幢
能然無上極明法炬能雨無上甘露法雨能斷無量
煩惱怨結能令無量百千萬億那由他衆度於無涯
可畏大海解脫生死無際輪轉值遇無量百千萬億
那由他佛爾時四天王復白佛言世尊是金光明微妙
經典能得未來現在種種無量功德是故人王若
得聞是微妙經典則爲已於百千萬億無量佛所種
諸善根我以敬念是人王故復見無量福德利故我
等四王及餘眷屬無量百千萬億鬼神於自宮殿見
是種種香煙雲蓋瑞應之時我當隱蔽不現其身爲
聽法故當至是王所止宮殿講法之處大梵天王釋
提桓因大辯天神功德天神堅牢地神散脂鬼神大
將軍等二十八部鬼神大將摩醯首羅金剛密迹摩
尼跋陀鬼神大將鬼子母及五百鬼子周匝圍繞阿
耨達龍王娑竭羅龍王無量百千萬億那由他鬼神
諸天如是等衆爲聽法故悉自隱蔽不現其身至是
人王所止宮殿講法之處世尊我等四王及餘眷屬
無量鬼神悉當同心以是人王爲善知識同共一行

善相應行能爲無上大法施主以甘露味充足我等
我等應當擁護是王除其衰患令得安隱及其宮宅
國土城邑諸惡災患悉令消滅世尊若有人王於此
經典心生捨離不樂聽聞其心不欲恭敬供養尊重
讀歎若四部衆有受持讀誦講說之者亦復不能恭
敬供養尊重讚歎我等四王及餘眷屬無量鬼神卽
便不得聞此正法背甘露味失大法利無有勢力及
以威德減損天衆增長惡趣世尊我等四王及無量
鬼神捨其國土不但我等亦有無量守護國土諸舊
善神皆悉捨去我等諸王及諸鬼神旣捨離已其國
當有種種災異一切人民失其善心唯有繫縛瞋恚
鬪諍互相破壞多諸疾疫彗星現怪流星崩落五星
諸宿違失常度兩日並現日月薄蝕白黑惡虹數數
出現大地震動發大音聲暴風惡雨無日不有穀米
勇貴饑饉凍餓多有他方怨賊侵掠其國人民多受
苦惱其地無有可愛樂處世尊我等四王及諸無量
百千鬼神并守國土諸舊善神遠離去時生如是等
無量惡事世尊若有人王欲得自護及王國土多受
安樂欲令國土一切衆生悉皆成就具足快樂欲得
摧伏一切外敵欲得擁護一切國土欲以正法正治

1 2 3 4 5 6 7 8 9 210 1 2 3 4 5 6 7 8 9 210

國土欲得除滅衆生怖畏世尊是人王等應當必定
 聽是經典及恭敬供養讀誦受持是經典者我等四
 王及無量鬼神以是法食善根因緣得服甘露無上
 法味增長身力心進勇銳增益諸天何以故以是人
 王至心聽受是經典故如諸梵天說出欲論釋提桓
 因種種善論五通之人神仙之論世尊梵天釋提桓
 因鬼神通人雖有百千億那由他無量勝論是金光明
 明於中最勝所以者何如來說是金光明經爲衆生
 故爲令一切閻浮提內諸人王等以正法治爲與一
 切衆生安樂爲欲愛護一切衆生欲令衆生無諸苦
 憧惄無有他方怨賊棘刺所有諸惡背而不向欲令國
 土無有憂惄以正法教無有諍訟是故人王各於國
 土應然法炬熾然正法增益天衆我等四王及無量
 鬼神閻浮提內諸天善神以是因緣得服甘露法味
 充足得大威德進力具足閻浮提內安隱豐樂人民
 燭盛安樂其處復於來世無量百千不可思議那由
 他劫常受微妙第一快樂復得值遇無量諸佛種諸
 善根然後證成阿耨多羅三藐三菩提得如是等無
 量功德悉是如來正徧知說如來過於百千億那由
 他諸梵天等以大悲力故亦過無量百千億那由他

9123456789210123456789210123456789210123456789210

釋提桓因以苦行力故是故如來爲諸衆生演說如
是金光明經若聞浮提一切衆生及諸人王世間出
世間所作國事所造世論皆因此經欲令衆生得安
樂故釋迦如來示現是經廣宣流布世尊以是因緣
故是諸人王應當必定聽受供養恭敬尊重讚歎是
經爾時佛復告四天王汝等四王及餘眷屬無量百
千那由他鬼神是諸人王若能至心聽是經典供養
恭敬尊重讚歎汝等四王正應擁護滅其衰患而與
安樂若有人能廣宣流布如是妙典於人天中大作
佛事能大利益無量衆生如是之人汝等四王必當
擁護莫令他緣而得擾亂令心恬靜受於快樂續復
當得廣宣是經爾時四天王卽從座起偏袒右肩右
膝著地長跪合掌於世尊前以偈讚曰

佛月清淨 滿足莊嚴 佛日暉曜
放千光明 如來面目 最上明淨
齒白無垢 如蓮華根 功德無量
猶如大海 智淵無邊 法水具足
百千三昧 無有缺減 足下平滿
千輻相現 足指網縫 猶如鵝王
光明晃曜 如寶山王 微妙清淨

1 2 3 4 5 6 7 8 9 210 1 2 3 4 5 6 7 8 9 210

如鍊真金 所有福德 不可思議
佛功德山 我今敬禮 佛真法身
猶如虛空 應物現形 如水中月
無有障礙 如燄如化 是故我今
稽首佛月

爾時世尊以偈答曰

此金光明 諸經之王 甚深最勝
爲無有上 十力世尊 之所宣說
汝等四王 應當勤護 以是因緣
是深妙典 能與衆生 無量快樂
爲諸衆生 安樂利益 故久流布
於閻浮提 能滅三千 大千世界
所有惡趣 無量諸苦 閻浮提內
諸人王等 心生慈愍 正法治世
若能流布 此妙經典 則令其土
安隱豐熟 所有衆生 悉受快樂
若有人王 欲愛己身 及其國土
欲令豐盛 應當至心 淨潔洗浴
往法會所 榨伏一切 內外怨賊
所有善事

1 2 3 4 5 6 7 8 9 210 1 2 3 4 5 6 7 8 9 210

復能除滅 無量怖畏 是諸經王
能與一切 無量衆生 安隱快樂
譬如寶樹 在人家中 悉能出生
一切珍寶 是妙經典 亦復如是
悉能出生 諸王功德 如清冷水
能除渴乏 是妙經典 亦復如是
能除諸王 功德渴乏 譬如珍寶
異物篋器 悉在于手 隨意所用
是金光明 亦復如是 隨意能與
諸王法寶 是金光明 微妙經典
常爲諸天 恭敬供養 亦爲護世
四大天王 威神勢力 之所護持
十方諸佛 常念是經 若有演說
稱讚善哉 亦有百千 無量鬼神
從十方來 摊護是人 若有得聞
是妙經典 心生歡喜 踊躍無量
間浮提內 無量大衆 皆悉歡喜
集聽是經 聽是經故 具諸威德
增益天衆 精氣身力

爾時四王聞是偈已白佛言世尊我從昔來未曾得

聞如是微妙寂滅之法我聞是已心生悲喜涕淚橫流舉身戰動胷體怡解復得無量不可思議具足妙樂以天曼陀羅華摩訶曼陀羅華供養奉散於如來上作如是等供養佛已復白佛言世尊我等四王各自有五百鬼神常當隨逐是說法者而爲守護

大辯天品第七

爾時大辯天白佛言世尊是說法者我當益其樂說辯才令其所說莊嚴次第善得大智若是經中有失文字句義違錯我能令是說法比丘次第還得能與總持令不忘失若有衆生於百千佛所種諸善根是說法者爲是等故於閻浮提廣宣流布是妙經典令不斷絕復令無量無邊衆生得聞是經當令是等悉得猛利不可思議大智慧聚不可稱量福德之報善解無量種種方便善能辯暢一切諸論善知世間種種技術能出生死得不退轉必定疾得阿耨多羅三藐三菩提

功德天品第八

爾時功德天白佛言世尊是說法者我當隨其所須之物衣服飲食臥具醫藥及餘資產供給是人無所乏少令心安住晝夜歡樂正念思惟是經章句分別

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

深義若有衆生於百千佛所種諸善根是說法者爲是等故於閻浮提廣宣流布是妙經典令不斷絕是諸衆生聽是經已於未來世無量百千那由他劫常在天上人中受樂值遇諸佛速成阿耨多羅三藐三菩提三惡道苦悉畢無餘世尊我已於過去寶華功德海瑠璃金山照明知如來應供正徧知明行足善逝世間解無上士調御丈夫天人師佛世尊所種諸善根是故我今隨所念方隨所視方隨所至方能令無量百千衆生受諸快樂若衣服飲食資生之具金銀七寶真珠瑠璃珊瑚琥珀璧玉珂貝悉無所乏若有能稱金光明微妙經典爲我供養諸佛世尊二稱我名燒香供養供養佛已別以香華種種美味供施於我灑散諸方當知是人卽能聚集資財寶物以是因緣增長地味地神諸天悉皆歡喜所種穀米芽莖枝葉果實滋茂樹神歡喜出生無量種種諸物我時慈念諸衆生故多與資生所須之物世尊於此北方毗沙門天王有城名曰阿尼曼陀其城有園名功德華光於是園中有最勝園名曰金幢七寶極妙此卽是我常止住處若有欲得財寶增長是人當於自所住處應淨掃灑洗浴其身著鮮白衣妙香塗身爲我

1 2 3 4 5 6 7 8 9 210 1 2 3 4 5 6 7 8 9 210

至心三稱彼佛寶華瑠璃世尊名號禮拜供養燒香
散華亦當三稱金光明經至誠發願別以香華種種
美味供施於我散灑諸方爾時當說如是章句

波利富樓那遮利

一

三曼陀達舍尼羅怯

二

摩訶毗

訶羅伽帝

三曼陀毗陀尼那伽帝

四

摩訶迦梨波

帝五波婆爾薩婆嚩𠙹

六三曼陀修鉢梨富隸

七

阿夜那達摩帝

八摩訶毗鼓畢帝

九摩訶彌勒跋僧祇

帝十醯帝箇三博祇悌帝

十三曼陀阿鞞

十一阿菴婆

羅尼

十二

是灌頂章句必定吉祥真實不虛等衆生及中善
根應當受持讀誦通利七日七夜受持八戒朝暮淨
心香華供養十方諸佛常爲已身及諸衆生迴向具
足阿耨多羅三藐三菩提作是誓願令我所求皆得
吉祥自於所居房舍屋宅淨潔掃除若自住處若阿
蘭若處以香泥塗地燒微妙香敷淨好座以種種華
香布散其地以待於我我於爾時如一念頃入其室
宅卽坐其座從此日夜令此居家若村邑若僧坊若
露地無所乏少若錢若金銀若珍寶若牛羊若穀米
一切所須卽得具足悉受快樂若能以已所作善根
最勝之分廻與我者我當終身不遠其人於所住處

1 2 3 4 5 6 7 8 9 210

1 2 3 4 5 6 7 8 9 210

至心護念隨其所求令得成就應當至心禮如是等諸佛世尊其名曰寶勝如來無垢熾寶光明王相如來金燄光明如來金光明照藏如來金山寶蓋如來金華燄光相如來大炬如來寶相如來亦應敬禮信相菩薩金光明菩薩金藏菩薩常悲菩薩法上菩薩亦應敬禮東方阿閦如來南方寶相如來西方無量壽佛北方微妙聲佛

堅牢地神品第九

爾時地神堅牢白佛言世尊是金光明微妙經典若現在世若未來世在在處處若城邑聚落若山澤空處若王宮宅世尊隨是經典所流布處是地分中敷師子座令說法者坐其座上廣演宣說是妙經典我當在中常作宿衛隱蔽其身於法座下頂戴其足我聞法已得服甘露無上法味增益氣力而此大地深十六萬八千由旬從金剛際至海地上悉得衆味增長具足豐壤肥濃過於今日以是之故間浮提內藥草樹木根莖枝葉華果滋茂美色香味皆悉具足衆生食已增長壽命色力辯安六情諸根具足通利威德顏貌端嚴殊特成就如是種種等已所作事業多得成辦有大勢力精勤勇猛是故世尊間浮提內安

12345678920

12345678920

隱豐樂人民熾盛一切衆生多受快樂應心適意隨其所樂是諸衆生得是威德大勢力已能供養是金光明經及恭敬供養持是經者四部之衆我於爾時當往其所爲諸衆生受快樂故請說法者廣令宣布如是妙典何以故世尊是金光明若廣說時我及眷屬所得功德倍過於常增長身力心進勇銳世尊我服甘露無上法味已聞浮提地縱廣七千由旬豐壤倍常世尊如此大地衆生所依悉能增長一切所須之物增長一切所須物已令諸衆生隨意所用受於快樂種種飲食衣服臥具宮殿屋宅樹木林苑河池井泉如是等物依因於地悉皆具足是故世尊是諸衆生爲知我恩應作是念我當必定聽受是經供養恭敬尊重讚歎作是念已卽從住處若城邑聚落舍宅空地往法會所聽受是經旣聽受已還其所止各應相慶作如是言我等今者聞此甚深無上妙法已爲攝取不可思議功德之聚值遇無量無邊諸佛三惡道報已得解脫於未來世常生天上人中受樂是諸衆生各於住處若爲他人演說是經若說一喻一品一緣若復稱歎一佛一菩薩一四句偈乃至一句及稱是經首題名字世尊隨是衆生所住之處其地

1 2 3 4 5 6 7 8 9 200

1 2 3 4 5 6 7 8 9 200

具足豐壤肥濃過於餘地凡は因地所生之物悉得
增長滋茂廣大令諸衆生受於快樂多饒財寶好行
惠施心常堅固深信三寶爾時佛告地神堅牢若有
衆生乃至聞是金光明經一句之義人中命終隨意
往生三十三天地神若有衆生爲欲供養是經典故
莊嚴屋宅乃至張懸一旛一蓋及以一衣欲界六天
已有自然七寶宮殿是人命終卽往生彼地神於諸
七寶宮殿之中各各自然有七天女共相娛樂日夜
常受不可思議微妙快樂爾時地神白佛言世尊以
是因緣說法比丘坐法座時我常晝夜衛護不離隱
蔽其形在法座下頂戴其足世尊若有衆生於百千
佛所種諸善根是說法者爲是等故於閻浮提廣宣
流布是妙經典令不斷絕是諸衆生聽是經已未來
之世無量百千那由他劫於天上人中常受快樂值
遇諸佛疾成阿耨多羅三藐三菩提三惡道苦悉斷
無餘

金光明經卷第二

音釋

銳俞芮切瞰徒感切噉食也據據也疆居良切沃壤沃烏良切
醜切壤汝兩切沃渠羈切摩醯首羅梵語也此云大自在

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

醉呼 瘟 俞璧切 雞切 瘟 瘟疫也 豐徐 醉切 壽星也 薄蝕 薄伯各切蝕實職
 掠 離灼切 至移切 噎肢同 怨 悅樂也 犬支切 珺 苦何切 𩫔苦穴切 輻方六
 切 呀 許遭 𩫔皮布箇 箍所綺 惶香衣切 哩與希同 呪叱音 奴侯
 切 篓箕切 紹切 紹切

休寧居士曹頤靜 頤學 廣備 頤志 紹
 文共施刻此 金光明經願誥入真空
 行同流水廣及含靈齊成佛道者
 金陵釋如問對上元李淵書彭仕湘刻
 萬曆戊申歲秋八月徑山寂照庵識

金光明經卷第三

北涼三藏法師曇無讖譯

散脂鬼神品第十

爾時散脂鬼神大將及二十八部諸鬼神等卽從座起偏袒右肩右膝著地白佛言世尊是金光明微妙經典若現在世及未來世在在處處若城邑聚落若山澤空處若王宮宅隨是經典所流布處我當與此二十八部大鬼神等往至彼所隱蔽其形隨逐擁護是說法者消滅諸惡令得安隱及聽法衆若男若女童男童女於是經中乃至得聞一如來名一菩薩名

1 2 3 4 5 6 7 8 9 210

1 2 3 4 5 6 7 8 9 210

及此經典首題名字受持讀誦我當隨侍宿衛擁護悉滅其惡令得安隱及國邑城郭若王宮殿舍宅空處皆亦如是世尊何因緣故我名散脂鬼神大將唯然世尊自當證知世尊我知一切法一切緣法了一切法知法分齊如法安住一切法如性於一切法舍受一切法世尊我現見不可思議智光不可思議智炬不可思議智行不可思議智聚不可思議智境世尊我於諸法正解正觀得正分別正解於緣正能覺了世尊以是義故名散脂大將世尊我散脂大將令說法者莊嚴言辭辯不斷絕衆味精氣從毛孔入充益身心進勇銳成就不可思議智慧入正憶念如是等事悉令具足心無疲厭身受諸樂心得歡喜以是之故能爲衆生廣說是經若有衆生於百千佛所種諸善根說法之人爲是衆生閻浮提內廣宣流布是妙經典令不斷絕無量衆生聞是經已當得不可思議智聚攝取不可思議功德之聚於未來世無量百千劫人天之中常受快樂於未來世值遇諸佛疾得證成阿耨多羅三藐三菩提一切衆苦三惡趣分永滅無餘南無寶華功德海瑠璃金山光照如來應供正徧知南無無量百千億那由他莊嚴其身釋迦

1 2 3 4 5 6 7 8 9 200

1 2 3 4 5 6 7 8 9 200

如來應供正徧知熾然如是微妙法炬南無第一威
德成就衆事大功德天南無不可思量智慧功德成
就大辯天

正論品第十一

爾時佛告地神堅牢過去有王名力尊相其王有子
名曰信相不久當受灌頂之位統領國土爾時父王
告其太子信相世有正論善治國土我於昔時曾爲
太子不久亦當紹父王位爾時父王持是正論亦爲
我說我以是論於二萬歲善治國土未曾一念以非
法行於自眷屬情無愛著何等名爲治世正論地神
爾時力尊相王爲信相太子說是偈言

我今當說

諸王正論

爲利衆生

斷諸疑惑

一切人王

諸天天王

應當歡喜

合掌諦聽

諸王和合

集金剛山

護世四鎮

起問梵王

大師梵尊

天中自在

能除疑惑

當爲我斷

云何是人

得名爲天

云何人王

復名天子

生在人中

處王宮殿

正法治世

而名爲天

護世四王

問是事已

時梵尊師

1 2 3 4 5 6 7 8 9 210 1 2 3 4 5 6 7 8 9 210

1 2 3 4 5 6 7 8 9 210 1 2 3 4 5 6 7 8 9 210

卽說偈言	汝今雖以	此義問我
我要當爲	一切衆生	敷揚宣暢
第一勝論	因集業故	生於人中
王領國土	故稱人王	處在胎中
諸天守護	或先守護	然後入胎
雖在人中	生爲人王	以天護故
復稱天子	三十三天	各以己德
分與是人	故稱天子	神力所加
故得自在	遠離惡法	遮令不起
安住善法	修令增廣	能令衆生
多生天上	半名人王	亦名執樂
羅刹魁膽	能遮諸惡	亦名父母
教誨修善	示現果報	諸天所護
善惡諸業	現在未來	現受果報
諸天所護	若有惡事	縱而不問
不治其罪	不以正教	捨遠善法
增長惡聚	故使國中	多諸姦閭
三十三天	各生瞋恨	由其國王
縱惡不治	壞國正法	姦詐熾盛
他方怨敵	競來侵掠	自家所有

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

錢財珍寶	諸惡盜賊	共相劫奪
如法治世	不行是事	若行是者
其國殄滅	譬如狂象	踢蓮華池
暴風卒起	屢降惡雨	惡星數出
日月無光	五穀果實	咸不滋茂
由王捨正	使國饑饉	天於宮殿
悉懷愁惄	由王暴虐	不修善事
是諸天王	各相謂言	是王行惡
與惡爲伴	以造惡故	速得天瞋
以天瞋故	疾疫惡病	集其國土
諸天卽便	不久國敗	非法兵仗
生大愁苦	捨離是王	令其國敗
孤逆流離	兄弟姊妹	眷屬妻子
二日並現	身亦滅亡	流星數墮
人民飢餓	他方惡賊	侵掠其土
捨離薨亡	多諸疾疫	所重大臣
諸家財產	象馬車乘	一念喪滅
刀兵而死	五星諸宿	互相劫奪
諸惡疾疫	流徧其國	違失常度
		諸受寵祿

12345678920

12345678920

12345678920

經

金言卷三

三

所任大臣	及諸羣僚	專行非法
如是行惡	偏受恩遇	修善法者
見修善者	心不顧錄	故使世間
日日衰減	於行惡者	而生恭敬
三異並起	星宿失度	降暴風雨
破壞甘露	無上正法	衆生等類
及以地肥	恭敬弊惡	毀諸善人
故天降雹	飢餓疫死	穀米果實
滋味衰減	多病衆生	充滿其國
隨時增長	本所遊戲	可愛之處
悉皆枯悴	無可樂者	苦澀惡味
精妙上味	漸漸損減	衆生所食
顏貌醜陋	氣力衰微	食無肌膚
不知厭足	力精勇猛	悉滅無有
懶惰懈怠	充滿其國	多有病苦
逼切其身	惡星變動	羅刹亂行
若有人王	行於非法	增長惡伴
損人天道	於三有中	多受苦惱
起如是等	無量惡事	皆由人王

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

受著眷屬	縱之造惡	捨而不治
若爲諸天	所護生者	如是人王
終不爲是	有行善者	得生天中
行不善者	墮在三塗	三十三天
皆生焦熱	由王縱惡	捨而不誨
違逆諸天	及父母敕	不能正治
則非孝子	起諸姦惡	壞國土者
不應縱捨	當正治罪	是故諸天
護持是王	以滅惡法	修習善故
現世正治	得增王位	應各爲說
善不善業	能示因果	故得爲王
諸天護持	鄰王佐助	爲自爲他
修正治國	有壞國者	應當正教
爲命及國	修行正法	不應行惡
惡不應縱	所有餘事	不能壞國
要因多姦	然後傾敗	若起多姦
壞於國土	譬如大象	壞蓮華池
怨恨諸天	故天生惱	起諸惡事
彌滿其國	是故應隨	正法治世
以善化國	不順非法	寧捨身命

1 2 3 4 5 6 7 8 9 210 1 2 3 4 5 6 7 8 9 210

不愛眷屬 於親非親 心常平等
視親非親 和合爲一 正行名稱
流布三界 正法治國 人多行善
常以善心 仰瞻國王 能令天衆
具足充滿 是故正治 名爲人王
一切諸天 愛護人王 猶如父母
擁護其子 故令日月 五星諸宿
隨其分齊 不失常度 風雨隨時
無諸災禍 令國豐實 安樂熾盛
增益人民 諸天之衆 以是因緣
諸人王等 寧捨身命 不應爲惡
不應捨離 正法珍寶 由正法寶
世人受樂 常當親近 修正法者
聚集功德 莊嚴其身 於自眷屬
常知止足 當遠惡人 修治正法
安止衆生 於諸善法 教敕防護
令離不善 是故國土 安隱豐樂
是王亦得 威德具足 隨諸人民
所行惡法 應當調伏 如法教詔
是王當得 好名善譽 善能攝護

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

安樂衆生

善集品第十二

爾時如來復爲地神說往昔因緣而作偈言

我昔曾爲 轉輪聖王

捨四大地

及以大海 又於是時 以四天下

滿中珍寶 奉上諸佛 凡所布施

皆捨所重 不見可愛 而不捨者

於過去世 無數劫中 求正法故

常捨身命 又過去世 不可議劫

有佛世尊 般涅槃後 時有聖王

名曰寶勝 名曰善集

於四天下 而得自在 治正之勢

盡大海際 其王有城 名水音尊

於其城中 止住治化 夜睡夢中

聞佛功德 及見比丘 名曰寶冥

善能宣暢 如來正法 所謂金光

微妙經典 明如日中 悉能偏照

是轉輪王 夢是事已 卽尋覺寤

心喜偏身 卽出宮殿 至僧坊所

供養恭敬 諸大聖衆 問諸大德

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

是大衆中 頗有比丘 名曰寶冥
成就一切 諸功德不 爾時寶冥
在一窟中 安坐不動 思惟正念
讀誦如是 金光明經 時有比丘
卽將是王 至其所止 到寶冥所
時此寶冥 故在窟中 形貌殊特
威德熾然 卽示王言 是窟中者
卽是所問 寶冥比丘 能持甚深
諸佛所行 名金光明 諸經之王
時善集王 作如是言 卽尋禮敬 寶冥比丘 威德熾然
惟願爲我 敷演宣說 是金光明
諸經之王 時寶冥尊 卽受王請
許爲宣說 是金光明 三千大千
世界諸天 知當說法 悉生歡喜
於淨微妙 鮮潔之處 種種珍寶
廁墳其地 上妙香水 持用灑之
散諸好華 徧滿其處 王於是時
自敷法座 懸繪旛蓋 寶飾交絡
種種微妙 殊特末香 悉以奉散

1 2 3 4 5 6 7 8 9 210 1 2 3 4 5 6 7 8 9 210

大法高座 一切諸天 龍及鬼神
摩睺羅伽 緊那羅等 卽雨天上
曼陀羅華 偏散法座 滿其處所
不可思議 百千萬億 那由他等
無量諸天 一時俱來 集說法所
是時寶冥 尋從窟出 諸天卽時
以娑羅華 供養奉散 寶冥比丘
是時寶冥 淨洗身體 著淨妙衣
至法座所 合掌敬禮 是法高座
一切天王 及諸天人 雨曼陀羅
大曼陀羅 摩訶曼殊 衆寶妙華
無量百千 種種妓樂 於虛空中
不鼓自鳴 寶冥比丘 能說法者
尋上高座 結加趺坐 卽念十方
不可思議 無量千億 諸佛世尊
於諸衆生 興大悲心 及善集王
所得王領 盡一日月 所照之處
時說法者 卽尋爲王 敷揚宣說
是妙經典 是時大王 爲聞法故
於比丘前 合掌而立 聞於正法

1 2 3 4 5 6 7 8 9 210 1 2 3 4 5 6 7 8 9 210

讚言善哉 其心悲悼 淚淚橫流
尋復踊悅 心意熙怡 爲欲供養
此經典故 爾時卽提 如意珠王
爲諸衆生 發大誓願 願於今日
此閣浮提 悉雨無量 種種珍異
瓊琦七寶 及妙瓔珞 以是因緣
悉令無量 一切衆生 皆受快樂
卽於爾時 尋雨七寶 及諸寶飾
天冠珥璫 種種瓔珞 甘饌寶座
悉皆充滿 偏四天下 時王善集
卽持如是 滿四天下 無量七寶
於寶勝佛 遺法之中 以用布施
供養三寶 爾時爲王 說法比丘
於今現在 阿閦佛是 時善集王
聽受法者 今則我身 釋迦文是
我於爾時 捨此大地 滿四天下
珍寶布施 得聞如是 金光明經
聞是經已 一稱善哉 以此善根
業因緣故 身得金色 百福莊嚴
常爲無量 百千萬億 衆生等類

1 2 3 4 5 6 7 8 9 210 1 2 3 4 5 6 7 8 9 210

經

金口卷三

仁三

之所樂見 既得見已 無有厭足
過去九十 九億千劫 常得作於
轉輪聖王 亦於無量 百千劫中
常得王領 諸小國土 不可思議
劫中常作 釋提桓因 及淨梵王
復得值遇 十力世尊 其數無量
不可稱計 所得功德 無量無邊
皆由聞經 及稱善哉 如我所願
成就菩提 正法之身 我今已得

鬼神品第十三

佛告功德天若有善男子善女人欲以不可思議妙供養具供養過去未來現在諸佛世尊及欲得知三世諸佛甚深行處是人應當必定至心隨有是經流布之處若城邑村落舍宅空處正念不亂至心聽是微妙經典爾時世尊欲重宣此義而說偈言

若欲供養 一切諸佛 欲知三世
諸佛行處 應當往彼 城邑聚落
有是經處 至心聽受 是妙經典
不可思議 功德大海 無量無邊
能令一切 衆生解脫 度無量苦

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

諸有大海 是經甚深 初中後善
不可得說 賦喻爲比 假使恒沙
大地微塵 大海諸水 一切諸山
如是等物 不得爲喻 若入是經
卽入法性 如深法性 安住其中
卽於是典 金光明中 而得見我
釋迦牟尼 不可思議 阿僧祇劫
生天人中 常受快樂 以能信解
聽是經故 如是無量 不可思議
功德福聚 悉已得之 隨所至處
若百由旬 滿中盛火 應從中過
若至聚落 阿蘭若處 到法會所
至心聽受 聽是經故 惡夢蠱道
五星諸宿 變異災禍 一切惡事
消滅無餘 於說法處 蓮華座上
說是經典 書寫讀誦 是說法者
若下法座 爾時大衆 猶見坐處
故有說者 或佛世尊 或見佛像
菩薩色像 普賢菩薩 文殊師利
彌勒大士 及諸形像 見如是等

1 2 3 4 5 6 7 8 9 210 1 2 3 4 5 6 7 8 9 210

種種事已 尋復滅盡 如前無異
成就如是 諸功德已 而爲諸佛
之所讚歎 威德相貌 無量無邊
有大名稱 有大名稱 能却怨家
能令退散 勇悍多力 能破强敵
惡夢惱心 無量惡業 如是惡事
皆悉寂滅 若入軍陣 常能勝他
名聞流布 徒闇浮提 亦能摧伏
一切怨敵 遠離諸惡 修習諸善
入陣得勝 心常歡喜 大梵天王
三十三天 護世四王 金剛密迹
鬼神諸王 散脂大將 禪那英鬼
及緊那羅 阿耨達龍 婆竭羅王
阿修羅王 迦樓羅王 大辯天神
及功德天 如是上首 諸天神等
常當供養 是聽法者 生不思議
法塔之想 衆生見者 恭敬歡喜
諸天王等 亦各思惟 而相謂言
令是衆生 無量威德 皆悉成就
若能來至 是法會所 如是之人

123456789200

123456789200

卷三

金剛密迹

五

化三

成上善根	若有聽是	甚深經典
故嚴出往	法會之處	心生不可
思議正信	供養恭敬	無上法塔
如是大悲	利益衆生	卽是無量
深法寶器	能入甚深	無上法性
由以淨心	聽是經典	如是之人
悉已供養	過去無量	百千諸佛
以是善根	無量因緣	應當聽受
是金光明	如是衆生	常爲無量
諸天神王	之所愛護	大辯功德
護世四王	無量鬼神	及諸力士
晝夜精勤	擁護四方	令無災禍
永離諸苦	釋提桓因	及日月天
閻摩羅王	風水諸神	韋馱天神
及毗紐天	大辯天神	及自在天
火神等神	大力勇猛	常護世間
晝夜不離	大力鬼王	那羅延等
摩醯首羅	二十八部	諸鬼神等
散脂爲首	百千鬼神	神足大力
擁護是等	令不怖畏	金剛密迹

大鬼神王	及其眷屬	五百徒黨
一切皆是	大菩薩等	亦悉擁護
聽是經者	摩尼跋陀	大鬼神王
富那跋陀	及金毗羅	阿羅婆帝
賓頭盧伽	黃頭大神	一一諸神
各有五百	眷屬鬼神	亦常擁護
聽是經者	質多斯那	阿修羅王
及乾闥婆	那羅羅闍	祁那娑婆
摩尼乾陀	及尼犍陀	主雨大神
大飲食神	摩訶伽吒	金色髮神
半祁鬼神	及半支羅	車鉢羅婆
有大威德	婆那利神	曇摩跋羅
摩竭羅婆	針髮鬼神	繡利窩多
勒那翅奢	摩訶婆那	及軍陀遮
鈍摩舍帝	復有大神	奢羅密帝
醯摩跋陀	薩多琦梨	多醯波醯
阿伽跋羅	支羅摩伽	央掘摩羅
如是等神	皆有無量	神足大力
常勤擁護	聽受如是	微妙經者
阿耨達龍	娑伽羅王	目真鄰王

經

金剛經卷三

三

化三

伊羅鉢王	難陀龍王	跋難陀王
有如是等	百千龍王	以大神力
常來擁護	聽是經者	晝夜不離
波利羅睺	阿修羅王	毗摩質多
及以茂脂	啖摩利子	波訶梨子
佉羅騫駄	及以健陀	是等皆是
阿修羅王	有大神力	常來擁護
聽是經者	晝夜不離	訶利帝南
鬼子母等	及五百神	常來擁護
聽是經者	若睡若寤	旃陀旃提
利大鬼神	女等鳩羅	鳩羅檀提
噉人精氣	如是等神	皆有大力
常勤擁護	十方世界	受持經者
大辯天等	無量天女	功德天等
各與眷屬	地神堅牢	種植園林
果實大神	如是諸神	心生歡喜
悉來擁護	愛樂親近	是經典者
於諸衆生	增命色力	功德威貌
莊嚴倍常	五星諸宿	變異災怪
皆悉能滅	無有遺餘	夜臥惡夢

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

寤則憂悴	如是惡事	皆悉滅盡
地神大力	勢分甚深	是經力故
能變其味	如是大地	至金剛際
厚十六萬	八千由旬	其中氣味
無不徧有	悉令涌出	潤益衆生
是經力故	能令地味	悉出地上
厚百由旬	亦令諸天	大得精氣
充益身力	歡喜快樂	闍浮提內
所有諸神	心生歡喜	受樂無量
是經力故	諸天歡喜	百穀果實
皆悉滋茂	園苑叢林	其華開敷
香氣馝馞	充溢彌滿	百草樹木
生長端直	其體柔軟	無有斜戾
閻浮提內	所有龍女	其數無量
不可思議	心生歡喜	踊躍無量
在在處處	莊嚴華池	於其池中
生種種華	優鉢羅華	波頭摩華
拘物頭華	分陀利華	於自宮殿
除諸雲霧	令虛空中	無有塵翳
諸方清徹	淨潔明了	日王赫燄

12345678920

12345678920

放千光明

歡喜踊躍

照諸闇蔽

闍浮檀金

以爲宮殿

止住其中

威德無量

日之天子

及以月天

聞是經故

精氣充實

是日天子

出闍浮提

心生歡喜

放於無量

光明明網

徧照諸方

卽於出時

放大光網

開敷種種

諸池蓮華

闍浮提內

無量果實

隨時成熟

飽諸衆生

是時日月

所照殊勝

星宿正行

不失度數

風雨隨時

豐寶熾盛

多饒財寶

無所乏少

是金光明

微妙經典

隨所流布

講誦之處

其國土境

卽得增益

如上所說

無量功德

授記品第十四

爾時如來將欲爲是信相菩薩及其二子銀相銀光
 授阿耨多羅三藐三菩提記是時卽有十千天子威
 德熾王而爲上首俱從忉利來至佛所頂禮佛足却
 坐一面爾時佛告信相菩薩汝於來世過無量無邊
 百千萬億不可稱計那由他劫金照世界當成阿耨

123456789200

123456789200

多羅三藐三菩提號金寶蓋山王如來應供正徧知
 明行足善逝世間解無上士調御丈夫天人師佛世
 尊乃至是佛般涅槃後正法像法皆滅盡已長子銀
 相當於是界次補佛處世界爾時轉名淨幢佛名闍
 浮檀金幢光明如來應供正徧知明行足善逝世
 間解無上士調御丈夫天人師佛世尊乃至是佛般
 涅槃後正法像法悉滅盡已次子銀光復於是後次
 補佛處世界名字如本不異佛號曰金光照如來應
 供正徧知明行足善逝世間解無上士調御丈夫天
人師佛世尊是十千天子聞三大士得受記荊復聞
 如是金光明經聞已歡喜生殷重心心無垢累如淨
 瑰瑤清淨無礙猶如虛空爾時如來知是十千天子
 善根成熟卽便與授菩提道記汝等天子於當來世
 過阿僧祇百千萬億那由他劫於是世界當成阿耨
 多羅三藐三菩提同共一家一姓一名號曰青目優
 鉢羅華香山如來應供正徧知明行足善逝世間解
 無上士調御丈夫天人師佛世尊如是次第出現於
 世凡一萬佛爾時道場菩提樹神名等增益白佛言
 世尊是十千天子於忉利宮爲聽法故故來集此云
 何如來便與授記世尊我未曾聞是諸天子修行具

1 2 3 4 5 6 7 8 9 210 1 2 3 4 5 6 7 8 9 210

足六波羅蜜亦未曾聞捨於手足頭目髓腦所愛妻子財寶穀帛金銀瑠璃碑碣碼碯真珠珊瑚珂貝璧玉甘饌飲食衣服臥具病瘦醫藥象馬車乘殿堂屋宅園林泉池奴婢僕使如餘無量百千菩薩以種種資生供養之具恭敬供養過去無量百千萬億那由他等諸佛世尊如是菩薩於未來世亦捨無量所重之物頭目髓腦所愛妻子財寶穀帛乃至僕使次第修行成就具足六波羅蜜成就是已備修苦行動經無量無邊劫數然後方得受菩提記世尊是天子等何因何緣修行何等勝妙善根從彼天來暫得聞法便得受記惟願世尊爲我解說斷我疑網爾時佛告樹神善女天皆有因緣有妙善根以隨相修何以故以是天子於所住處捨五欲樂故來聽是金光明經既聞法已於是經中淨心殷重如說修行復得聞此三大菩薩受於記蘎亦以過去本昔發心誓願因緣是故我今皆與授記於未來世當成阿耨多羅三藐三菩提

除病品第十五

佛告道場菩提樹神善女天諦聽諦聽善持憶念我當爲汝演說往昔誓願因緣過去無量不可思議阿

12345678920

12345678920

僧祇劫爾時有佛出現於世名曰寶勝如來應供正
徧知明行足善逝世間解無上士調御丈夫天人師
佛世尊善女天爾時是佛般涅槃後正法滅已於像
法中有王名曰天自在光修行正法如法治世人民
和順孝養父母是王國中有一長者名曰持水善知
醫方救諸病苦方便巧知四大增損善女天爾時持
水長者家中後生一子名曰流水體貌殊勝端正第
一形色微妙威德具足受性聰敏善解諸論種種技
藝書疏算計無不通達是時國內天降疫病有無量
百千諸衆生等皆無免者爲諸苦惱之所逼切善女
天爾時流水長者子見是無量百千衆生受諸苦惱
故爲是衆生生大悲心作是思惟如是無量百千衆
生受諸苦惱我父長者雖善醫方能救諸苦方便巧
知四大增損年已衰邁老耄枯悴皮緩面皺羸瘦顫
掉行來往往要因几杖困頓疲乏不能至彼城邑聚
落而是無量百千衆生復遇重病無能救者我今當
至大醫父所諮問治病醫方祕法諮稟知已當至城
邑聚落村舍治諸衆生種種重病悉令得脫無量諸
苦時長者子思惟是已卽至父所頭面著地爲父作
禮義手却住以四大增損而問於父卽說偈言

123456789200

123456789200

云何當知

四大諸根

衰損代謝

而得諸病

云何當知

飲食時節

若食食已

身火不滅

云何當知

治風及熱

水過肺病

及以等分

何時動風

何時動熱

何時動水

以害衆生

時父長者

卽以偈頌

解說醫方

而答其子

三月是夏

三月是秋

三月是冬

三月是春

是十二月

三三而說

從如是數

一歲四時

若二二說

足滿六時

三三本攝

二二現時

隨是時節

消息飲食

是能益身

醫方所說

隨時歲中

諸根四大

代謝增損

令身得病

有善醫師

隨病飲食

及以湯藥

調和六大

隨順四時

其熱病者

多風病者

等分病者

冬則發動

其肺病者

春則增劇

有風病者

夏則應服

肥膩鹹酢

及以熟食

有熟病者

秋服冷甜

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

- 等分冬服 甜酢肥膩 肺病春服
肥膩辛熱 飽食然後 則發肺病
於食消時 則發熱病 食消已後
則發風病 如是四大 隨三時發
風病羸損 補以酥膩 热病下藥
服訶梨勒 等病應服 三種妙藥
所謂甜辛 及以酥膩 肺病應服
隨能吐藥 若風熱病 肺病等分
違時而發 應當任師 築量隨病
飲食湯藥

善女天爾時流水長者子問其父醫四大增損因是
得了一切醫方時長者子知醫方已徧至國內城邑
聚落在在處處隨有衆生病苦者所輒言慰喻作如
是言我是醫師我是醫師善知方藥今當爲汝療治
救濟悉令除愈善女天爾時衆生聞長者子輒言慰
喻許爲治病心生歡喜踊躍無量時有百千無量衆
生遇極重病直聞是言心歡喜故種種所患卽得除
差平復如本氣力充實善女天復有無量百千衆生
病苦深重難除者卽共來至長者子所時長者子
卽以妙藥授之令服服已除差亦得平復善女天是

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

長者子於是國內治諸衆生所有病苦悉得除差

金光明經卷第三

音釋

魁

魁苦回切 膾古外切

徒典切 疾陵切

徒合切 跛踐也

屢

良遇

切 魁瞻爲首宰殺者

殄絕也

蹠踐也

屢

數

也 跛五故切

窟苦骨切

繪帛也

屢

趺

甫無切 趺屈足坐也

墳古回切

耳珥也

屢

紐

女久切 紐天名

繡息救切

翅矢利切

屢

悴

切 慄憂愁也

齰必切

掘瞿物切

屢

耄

莫報切 老也

十九日老

皺側救切

屢

諮

引切 騰掉四

諮津私切

肺放吠切

屢

金

光明經卷第四

流水長者子品第十六

佛告樹神爾時流水長者子於天自在光王國內治一切衆生無量苦患已令其身體平復如本受諸快樂以病除故多設福業修行布施尊重恭敬是長者子作如是言善哉長者能大增長福德之事能益衆生無量壽命汝今真是大醫之王善治衆生無量重病必是菩薩善解方藥善女天時長者子有妻名曰水空龍藏而生二子一名水空二名水藏時長者子

金剛經卷四

卷四

將是二子次第遊行城邑聚落最後到一大空澤中見諸虎狼狐犬鳥獸多食肉血悉皆一向馳奔而去時長者子作是念言是諸禽獸何因緣故一向馳走我當隨後逐而觀之時長者子遂便隨逐見有一池其水枯涸於其池中多有諸魚時長者子見是魚已生大悲心時有樹神示現半身作如是言善哉善哉大善男子此魚可愍汝可與水是故號汝名爲流水復有二緣名爲流水一能流水二能與水汝今應當隨名定實時長者子問樹神言此魚頭數爲有幾所樹神答言其數具足足滿十千善女天爾時流水聞是數已倍復增益生大悲心善女天時此空池爲日所曝唯少水在是十千魚將入死門四向宛轉見是長者心生恃賴隨是長者所至方面隨逐瞻視目未曾捨是時長者馳趣四方推求索水了不能得便四顧望見有大樹尋取枝葉還到池上與作陰涼作陰涼已復更推求是池中水本從何來卽出四向周徧求覓莫知水處復更疾走遠至餘處見一大河名曰水生爾時復有諸餘惡人爲捕此魚故於上流懸險之處決棄其水不令下過然其決處懸險難補計當修治經九十日百千人功猶不能成況我一身時長

金言集卷四
卷四

者子速疾還反至大王所頭面禮拜却住一面合掌向王說其因緣作如是言我爲大王國土人民治種種病漸漸遊行至彼空澤見有一池其水枯涸有千魚爲日所曝今日困厄將死不久惟願大王借二十大象令得負水濟彼魚命如我與諸病人壽命爾時大王卽敕大臣速疾供給爾時大臣奉王告敕語是長者善哉大士汝今自可至象廄中隨意選取利益衆生令得快樂是時流水及其二子將二十大象從治城人借索皮囊疾至彼河上流決處盛水象負馳疾奔還至空澤池從象背上取其囊水瀉置池中水遂彌滿還復如本時長者子於池四邊彷徉而行是魚爾時亦復隨逐巡岸而行時長者子復作是念是魚何緣隨我而行是魚必爲飢火所惱復欲從我求索飲食我今當與善女天爾時流水長者子告其子言汝取一象最大力者速至家中啓父長者家中所有可食之物乃至父母飲噉之分及以妻子奴婢之分一切聚集悉載象上急速來還爾時二子如父教敕乘最大象往至家中白其祖父說如上事爾時二子收取家中可食之物載象背上疾還父所至空澤池時長者子見其子還心生歡喜踊躍無量從子

卷四
經

三

化四

邊取飲食之物散著池中與魚食已卽自思惟我今
已能與此魚食令其飽滿未來之世當施法食復更
思惟曾聞過去空閑之處有一比丘讀誦大乘方等
經典其經中說若有衆生臨命終時得聞寶勝如來
名號卽生天上我今當爲是十千魚解說甚深十二
因緣亦當稱說寶勝佛名時閻浮提中有二種人一
者深信大乘方等二者毀呰不生信樂時長者子作
是思惟我今當入池水之中爲是諸魚說深妙法思
惟是已卽便入水作如是言汝無過去寶勝如來應
供正徧知明行足善逝世間解無上士調御丈夫天
人師佛世尊寶勝如來本往昔時行菩薩道作是誓
願若有衆生於十方界臨命終時聞我名者當令是
輩卽命終已尋得上生三十三天爾時流水復爲是
魚解說如是甚深妙法所謂無明緣行緣識識緣
名色名色緣六入六入緣觸觸緣受受緣愛愛緣取
取緣有有緣生生緣老死憂悲苦惱善女天爾時流
小長者子及其二子說是法已卽共還家是長者子
復於後時賓客聚會醉酒而臥爾時其地卒大震動
時十千魚同日命終既命終已生忉利天旣生天已
作是思惟我等以何善業因緣得生於此忉利天中

金光明經卷四

四

化四

復相謂言我等先於闍浮提內墮畜生中受於魚身
流水長者子與我等水及以飲食復爲我等解說甚
深十二因緣并稱寶勝如來名號以是因緣令我等
輩得生此天是故我等今當往至長者子所報恩供
養爾時十千天子從忉利天下闍浮提至流水長者
子大醫王家時長者子在樓屋上露臥眠睡是十千
天子以十千真珠天妙瓔珞置其頭邊復以十千置
其足邊復以十千置右脇邊復以十千置左脇邊雨
曼陀羅華摩訶曼陀羅華積至千膝作種種天樂出
妙音聲闍浮提中有睡眠者皆悉覺寤流水長者子
亦從睡寤是十千天子於上空中飛騰遊行於天自
在光王國內處處皆雨天妙蓮華是諸天子復至本
處空澤池所復雨天華便從此沒還忉利宮隨意自
在受天五欲時闍浮提過是夜已天自在光王問諸
大臣昨夜何緣示現如是淨妙瑞相有大光明大臣
答言大王當知忉利諸天於流水長者子家雨四十
千真珠瓔珞及不可計曼陀羅華王卽告臣卿可往
至彼長者家善言誘喻喚令使來大臣受敕卽至其
家宣王教令喚是長者是時長者尋至王所王問長
者何緣示現如是瑞相長者子言我必定知是十千

1

2

3

4

魚其命已終時大王言今可遣人審實是事爾時流水尋遣其子至彼池所看是諸魚死活定實爾時其子聞是語已向於彼池既至池已見其池中多有摩訶曼陀羅華積聚成積其中諸魚悉皆命終見已卽還白其父言彼諸魚等悉已命終爾時流水知是事已復至王所作如是言是十千魚悉皆命終王聞是已心生歡喜爾時世尊告道場菩提樹神善女天欲知爾時流水長者子今我身是長子水空今羅睺羅是次子水藏今阿難是時十千魚者今十千天子是是故我今爲其授阿耨多羅三藐三菩提記爾時樹神現半身者今汝身是

捨身品第十七

爾時道場菩提樹神復白佛言世尊我聞世尊過去修行菩提道時具受無量百千苦行捐捨身命肉血骨髓惟願世尊少說往昔苦行因緣爲利衆生受諸快樂爾時世尊卽現神足神足力故令此大地六種震動於大講堂衆會之中有七寶塔從地涌出衆寶羅網彌覆其上爾時大衆見是事已生希有心爾時世尊卽從座起禮拜是塔恭敬圍繞還就本座爾時道場菩提樹神白佛言世尊如來世雄出現於世常

1

2

3

4

經

金光明經卷四

六

卷四

爲一切之所恭敬於諸衆生最勝最尊何因緣故禮拜是塔佛言善女天我本修行菩薩道時我身舍利安止是塔因由是身令我早成阿耨多羅三藐三菩提爾時佛告尊者阿難汝可開塔取中舍利示此大衆是舍利者乃是無量六波羅蜜功德所熏爾時阿難聞佛教敕卽往塔所禮拜供養開其塔戶見其塔中有七寶函以手開函見其舍利色妙紅白而白佛言世尊是中舍利其色紅白佛告阿難汝可持來此是大士真身舍利爾時阿難卽舉寶函還至佛所持以上佛爾時佛告一切大衆汝等今可禮是舍利此舍利者是戒定慧之所熏修甚難可得最上福田爾時大衆聞是語已心懷歡喜卽從座起合掌敬禮大士舍利爾時世尊欲爲大衆斷疑網故說是舍利往昔因緣阿難過去之世有王名曰摩訶羅陀修行善法善治國土無有怨敵時有三子端正微妙形色殊特威德第一第一太子名曰摩訶波那羅次子名曰摩訶提婆小子名曰摩訶薩埵是三王子於諸園林遊戲觀看次第漸到一大竹林憩駕止息第一王子作如是言我於今日心甚怖懼於是林中將無衰損第二王子復作是言我於今日不自惜身但離所愛

續

金剛經卷四

四

化四

心憂愁耳第三王子復作是言我於今日獨無怖慄亦無愁惱山中空寂神仙所讚是處閑靜能令行人安隱受樂時諸王子說是語已轉復前行見有一虎適產七日而有七子圍繞周而飢餓窮悴身體羸瘦命將欲絕第一王子見是虎已作如是言怪哉此虎產來七日七子圍繞不得求食若爲飢逼必還噉子第三王子言此虎經常所食何物第一王子言此虎唯食新熟肉血第三王子言君等誰能與此虎食第二王子言此虎飢餓身體羸瘦窮困頓乏餘命無幾不容餘處爲其求食設餘求者命必不濟誰能爲此不惜身命第一王子言一切難捨不過已身第二王子言我等今者以貪惜故於此身命不能放捨智慧薄少故於是事而生驚怖若諸大士欲利益他生大悲心爲衆生者捨此身命不足爲難時諸王子心大愁憂久住視之日未會捨作是觀已尋便離去爾時第三王子作是念言我今捨身時已到矣何以故我從昔來多棄是身都無所爲亦常愛護處之屋宅又復供給衣服飲食臥具醫藥象馬車乘隨時將養令無所乏而不知恩反生怨害然復不免無常敗壞復次是身不堅無所利益可惡如賊猶若行廁我於今

1 2 3 4 5 6 7 8 9 210 1 2 3 4 5 6 7 8 9 210

日當使此身作無上業於生死海中作大橋梁復次
 若捨此身則捨無量癱疽癰疾百千怖畏是身唯有
 大小便利是身不堅如水上沫是身不淨多諸蟲戶
 是身可惡筋纏血塗皮骨髓腦共相連持如是觀察
 甚可患厭是故我今應當捨離以求寂滅無上涅槃
 永離憂患無常變異生死休息無諸塵累無量禪定
 智慧功德具足成就微妙法身百福莊嚴諸佛所讚
 證成如是無上法身與諸衆生無量法樂是時王子
 勇猛堪任作是大願以上大悲熏修其心慮其二兄
 心懷怖懼或恐固遮爲作留難卽便語言兄等今者
 可與眷屬還其所止爾時王子摩訶薩埵還至虎所
 脫身衣裳置竹枝上作是誓言我今爲利諸衆生故
 證於最勝無上道故大悲不動捨難捨故爲求菩提
 智所讚故欲度三有諸衆生故滅生死怖衆惱熱故
 是時王子作是誓已卽自放身臥餓虎前是時王子
 以大悲力故虎無能爲王子復作如是念言虎今羸
 瘦身無勢力不能得我身血肉食卽起求刀周徧求
 之了不能得卽以乾竹刺頸出血於高山上投身虎
 前是時大地六種震動日無精光如羅睺羅阿修羅
 王捉持障蔽又雨雜華種種妙香時虛空中有諸餘

天見是事已心生歡喜歎未曾有讚言善哉善哉大士汝今真是行大悲者爲衆生故能捨難捨於諸學人第一勇健汝已爲得諸佛所讚常樂住處不久當證無惱無熱清淨涅槃是虎爾時見血流出汙王子身卽便舐血歟食其肉唯留餘骨爾時第一王子見地大動爲第二王子而說偈言

震動大地 及以大海 日無精光
如有覆蔽 於上虛空 雨諸華香
必是我弟 捨所愛身

第二王子復說偈言

彼虎產來 已經七日 七子圍繞
窮無飲食 氣力羸損 命不云遠
小弟大悲 知其窮悴 懼不堪忍
還食其子 恐定捨身 以救彼命
時二王子心大恐怖涕泣悲歎容貌憔悴復共相將還至虎所見弟所著被服衣裳皆悉在一竹枝之上骸骨髮爪布散狼藉流血處處徧汙其地見已悶絕不自勝持投身骨上良久乃蘇卽起舉首號天而哭我弟幼稚才能過人特爲父母之所愛念奄忽捨身以飼餓虎我今還宮父母設問當云何答我寧在此

1 2 3 4 5 6 7 8 9 210 1 2 3 4 5 6 7 8 9 210

併命一處不忍見是骸骨髮爪何心捨離還見父母
妻子眷屬朋友知識時二王子悲號懊惱漸捨而去
時小王子所將侍從各散諸方互相謂言今者我天
爲何所在爾時王妃於睡眠中夢乳被割牙齒墮落
得三鵠鵠一爲鷹食爾時王妃大地動時卽便驚寤
心大愁怖而說偈言

今日何故 大地大水 一切皆動
物不安所 日無精光 如有覆蔽
我心憂苦 目睫瞞動 如我今者
所見瑞相 必有災異 不祥苦惱

於是王妃說是偈已時有青衣在外已聞王子消息
心驚惶怖尋卽入內啓白王妃作如是言向者在外
聞諸侍從推覓王子不知所在王妃聞已生大憂惱
涕泣滿目至大王所我於向者傳聞外人失我最小
所愛之子大王聞已而復悶絕悲哽苦惱欷淚而言
如何今日失我心中所愛重者爾時世尊欲重宣此
義而說偈言

我於往昔 無量劫中 捨所重身
以求菩提 若爲國王 及作王子
常捨難捨 以求菩提 我念宿命

1 2 3 4 5 6 7 8 9 210 1 2 3 4 5 6 7 8 9 210

有大國王 其王名曰 摩訶羅陀
是王有子 能大布施 其子名曰
摩訶薩埵 復有二兄 長者名曰
大波那羅 次名大天 三人同遊
至一空山 見新產虎 飢窮無食
時勝大士 生大悲心 我今當捨
所重之身 此虎或爲 飢餓所逼
儻能還食 自所生子 卽上高山
自投虎前 爲令虎子 得全性命
是時大地 及諸大山 皆悉震動
驚諸蟲獸 虎狼師子 四散馳走
世間皆闇 無有光明 是時二兄
故在竹林 心懷憂惱 愁苦涕泣
漸漸推求 遂至虎所 見虎虎子
血汙其口 又見骸骨 髮毛爪齒
處處迸血 狼藉在地 時二王子
見是事已 心更悶絕 自躰於地
以灰塵土 生狂癡心 所將侍從
亦生悲慟 失聲號哭 互以冷水

1 2 3 4 5 6 7 8 9 210 1 2 3 4 5 6 7 8 9 210

共相噴灑 然後蘇息 而復得起
是時王子 當捨身時 正值後宮
妃后嫁女 卷屬五百 共相娛樂
王妃是時 兩乳汁出 一切肌節
痛如針刺 心生愁惱 似喪愛子
於是王妃 疾至王所 其聲微細
悲泣而言 大王今當 諦聽諦聽
憂愁盛火 今來燒我 我今二乳
俱時汁出 身體苦切 如被針刺
我見如是 不祥瑞相 恐更不復
見所愛子 今以身命 奉上大王
願速遣人 求覓我子 夢三鵠雛
在我懷抱 其最小者 可適我心
有鷹飛來 奪我而去 夢是事已
卽生憂惱 我今恐怖 恐命不濟
願速遣人 推求我子 是時王妃
說是語已 卽時悶絕 而復躰地
王聞是語 復生憂惱 以不得見
所愛子故 其王大臣 及諸眷屬
悉皆聚集 在王左右 哀哭悲號

聲動天地 爾時城內 所有人民
聞是聲已 驚愕而出 各相謂言
今是王子 爲活來耶 爲已死亡
如是大士 常出輭語 爲衆所愛
今難可見 已有諸人 入林推求
不久自當 得定消息 諸人爾時
憚惶如是 而復悲號 哀動神祇
爾時大王 卽從座起 以水灑妃
良久乃蘇 還得正念 微聲問王
我子今者 爲死活耶 爾時王妃
念其子故 倍復懊惱 心無暫捨
可惜我子 形色端正 如何一旦
捨我終亡 云何我身 不先薨沒
而見如是 諸苦惱事 使令分離
猶淨蓮華 誰壞汝身 善子妙色
將非是我 昔日怨讐 校本業緣
而殺汝耶 我子面目 淨如滿月
不圖一旦 遇斯禍對 寧使我身
破碎如塵 不令我子 喪失身命
我所見夢 已爲得報 直我無情

能堪是苦 如我所夢 牙齒墮落
二乳一時 汗自流出 必定是我
失所愛子 夢三鵠離 鷹奪一去
三子之中 必定失一 爾時大王
卽告其妃 我今當遣 大臣使者
周徧東西 推求覓子 汝今且可
莫大憂愁 大王如是 慰喻妃已
卽便嚴駕 出其宮殿 心生愁惱
憂苦所切 雖在大衆 顏貌憔悴
卽出其城 覓所愛子 爾時亦有
無量諸人 哀號動地 尋從王後
是時大王 旣出城已 四向顧望
求覓其子 煩惋心亂 麻知所在
最後遙見 有一信來 頭蒙塵土
血汙其衣 灰糞坌身 悲號而至
爾時大王 摩訶羅陀 見是使已
倍生懊惱 舉首號咷 仰天而哭
先所遣臣 尋復來至 旣至王所
作如是言 願王莫愁 諸子猶在
不久當至 今王得見 須臾之頃

1 2 3 4 5 6 7 8 9 210 1 2 3 4 5 6 7 8 9 210

復有臣來 見王愁苦 顏貌憔悴
身所著衣 坍膩塵汙 大王當知
一子已終 二子雖存 哀悴無賴
第三王子 見虎新產 飢窮七日
恐還食子 見是虎已 生天悲心
發大誓願 當度衆生 於未來世
證成菩提 卽上高處 投身虎前
虎飢所逼 便起噉食 一切血肉
已爲都盡 唯有骸骨 狼藉在地
是時大王 聞臣語已 轉復悶絕
失念躡地 憂愁盛火 煥然其身
諸臣眷屬 亦復如是 以水灑王
良久乃稣 復起舉首 號天而哭
復有臣來 而白王言 向於林中
見二王子 愁憂苦毒 悲號涕泣
迷悶失志 自投於地 臣卽求水
灑其身上 良久之頃 乃還稣息
望見四方 大火熾然 扶持暫起
尋復躡地 舉首悲哀 號天而哭
乍復讚歎 其弟功德 是時大王

以離愛子 其心迷悶 氣力惙然
憂惱涕泣 並復思惟 是最小子
我所愛重 無常大鬼 奔便吞食
其餘二子 今雖存在 而爲憂火
之所焚燒 或能爲是 喪失命根
我宜速往 至彼林中 迎載諸子
急還宮殿 其母在後 憂苦逼切
心肝分裂 或能失命 若見二子
慰喻其心 可使終保 餘年壽命
爾時大王 駕乘名象 與諸侍從
欲至彼林 卽於中路 見其二子
號天扣地 稱弟名字 時王卽前
抱持二子 悲號涕泣 隨路還宮
速令二子 觀見其母 佛告樹神
汝今當知 爾時王子 摩訶薩疊
捨身飼虎 今我身是 爾時大王
摩訶羅陀 於今父王 輸頭檀是
爾時王妃 今摩耶是 第一王子
今彌勒是 第二王子 今調達是
爾時虎者 今瞿夷是 時虎七子

1 2 3 4 5 6 7 8 9 210 1 2 3 4 5 6 7 8 9 210

爾時大王摩訶羅陀及其妃后悲號涕泣悉皆脫身
御服瓔珞與諸大衆往竹林中收其舍利卽於此處
起七寶塔是時王子摩訶薩埵臨捨命時作是誓願
願我舍利於未來世過筭數劫常爲衆生而作佛事
說是經時無量阿僧祇諸天及人發阿耨多羅三藐
三菩提心樹神是名禮塔往昔因緣爾時佛神力故
是七寶塔卽沒不現

讚佛品第十八

爾時無量百千萬億諸菩薩衆從此世界至金寶蓋
山王如來國土到彼土已五體投地爲佛作禮却住
一面合掌向佛異口同音而讚歎曰

如來之身	金色微妙	其明照耀
如金山王	身淨柔軟	如金蓮華
無量妙相	以自莊嚴	隨形之好
光飾其體	淨潔無比	如紫金山
圓足無垢	如淨滿月	其音清徹
妙如梵聲	師子吼聲	大雷震聲
六種清淨	微妙音聲	迦陵頻伽
孔雀之聲	清淨無垢	威德具足

百福相好 莊嚴其身 光明遠照
無有齊限 智慧寂滅 無諸愛習
世尊成就 無量功德 譬如大海
須彌寶山 爲諸衆生 生憐愍心
於未來世 能與快樂 如來所說
第一深義 能令衆生 寂滅安隱
能與衆生 無量快樂 能演無上
甘露妙法 能開無上 甘露法門
能入一切 無患窟宅 能令衆生
悉得解脫 度於三有 無量苦海
安住正道 無諸憂苦 如來世尊
功德智慧 大慈悲力 精進方便
如是無量 不可稱計 我等今者
不能說喻 諸天世人 於無量劫
盡思度量 不能得知 如來所有
功德智慧 無量大海 一滴少分
我今畧讚 如來功德 百千億分
不能宣一 若我功德 得聚集者
廻與衆生 證無上道

爾時信相菩薩卽於此會從座而起偏袒右肩右膝

1 2 3 4 5 6 7 8 9 210 1 2 3 4 5 6 7 8 9 210

著地合掌向佛而說讚言

世尊百福

相好微妙

功德千數

莊嚴其身

色淨遠照

視之無厭

如日千光

彌滿虛空

光明熾盛

無量無邊

猶如無數

珍寶大聚

其明五色

青紅赤白

瑠璃玻璃

如融真金

光明赫奕

通徹諸山

悉能遠照

無量佛土

能滅衆生

無量苦惱

又與衆生

上妙快樂

諸根清淨

微妙第一

衆生見者

無有厭足

髮紺柔軟

猶孔雀項

如諸蜂王

集在蓮華

清淨大悲

功德莊嚴

無量三昧

及以大慈

如是功德

悉已聚集

相好妙色

嚴飾其身

種種功德

助成菩提

如來悉能

調伏衆生

令心柔軟

受諸快樂

種種深妙

功德莊嚴

亦爲十方

諸佛所讚

其光遠照

徧於諸方

猶如日明

充滿虛空

功德成就

如須彌山

在在示現

於諸世界
其德如日
右旋宛轉
其色微妙
爾時道場菩提樹神復說讚曰
南無清淨
隨順覺了
獨拔而出
本性清淨
希有希有
如須彌山
希有希有
時一現耳
釋迦牟尼
諸衆生故
善哉如來
善寂大城
入於諸佛
身皆空寂
如是一切
齒白齊密
處空明顯
光明流出
如瑠璃珠
無上正覺
遠離一切
成佛正覺
希有希有
如來大海
希有希有
佛出於世
希有如來
爲人中日
宣說如是
諸根寂滅
無垢清淨
所行之處
兩足世尊
無量諸法
猶如珂雪
眉間毫相
如日處空
甚深妙法
非法非道
知有非有
如來功德
希有希有
佛無邊行
如優曇華
無量大悲
爲欲利益
妙寶經典
而復遊入
甚深三昧
一切聲聞
行處亦空
推本性相

亦皆空寂 一切衆生 性相亦空
狂愚心故 不能覺知 我常念佛
樂見世尊 常作誓願 不離佛日
我常於地 長跪合掌 其心戀慕
欲見於佛 我常修行 最上大悲
哀泣雨淚 欲見於佛 我常渴仰
欲見於佛 爲是事故 夾火熾然
惟願世尊 賦我慈悲 世尊慈愍
以滅是火 世尊慈悲 悲心無量
願使我身 常得見佛 世尊常護

一切人天 是故我今 渴仰欲見
聲聞之身 猶如虛空 燄幻響化
如水中月 衆生之性 如夢所見
如來行處 淨如瑠璃 入於無上
甘露法處 能與衆生 無量快樂
如來行處 微妙甚深 一切衆生
無能知者 五通神仙 及諸聲聞
一切緣覺 亦不能知 我今不疑
佛所行處 惟願慈悲 爲我現身
爾時世尊 從三昧起 以微妙音

1 2 3 4 5 6 7 8 9 210 1 2 3 4 5 6 7 8 9 210

而讚歎言

善哉善哉

樹神善女

汝於今日

快說是言

一切衆生

金光明經卷第四

校訛

音釋

八紙十七行

足北藏作是
依南藏改正

嘿步木切廩居祐切瀉司夜切彷佯彷步光切佯
貌蓄力切敕誠也口段也脇虛業切積子智切憇去
切息癰瘍瘍於容切瘻早遙切筋舉欣切舐神唇
也

骸胡皆切狼藉狼盧當切藉秦昔稚直利切飼
也骨也切也切也切也切也切也切也

鵠雛鵠葛合切鷹於陵卽涉切目瞯輪睂例
鵠鵠崇芻切鷹於陵卽涉切目瞯輪睂例

動也杖武粉切慟徒弄切哀噴普悶切愕逆各切
也搭也切也切也切也切也切也切也切也

憚惶憚止良切惶胡光薨呼弘切惋烏貫切噦陟
也惶也切也切也切也切也切也切也切也

跔渠委龍眷切念也

休寧居士

文金光明經

行同流

水廣及舍靈齊成佛道者

金陵釋萬曆戊申年秋八月徑山寂照庵識

如聞對上元李淵書金陵李內興刻

曹頤靜

頤學

廣洲

頤志

紹

